

Kan Ram



Mizoram State Library
DG2304



MZ954.166
SAI

By
Lalzama Sailo
&
Brig. Ngurliana

KAN RAM

By
Lalzama Sailo
&
Brig. Ngurliana

Mizoram State Library
DC2304



*Published by Brig. Ngurliana and Printed at the Gosen
Press, Aizawl. Copies — 1000.*

INDIAN STATE LIBRARY

No. 89-2304

Acc. by h

Class by 121m

Date by 10/5/50

Sub Head 7

Transcribed by

Entered by

THUHMAHRUAI

He lehkhahu (KAN RAM) kan buatsaihna chhan ber chu - Sailo lal Lallula thlahte chanchin leh, keini Lallianvunga thlahte chanchin hi Mizo History-ah a pawimawh ema kan briat avang leh, chutianga hnam tana thil pawimawh si chu kan tu leh fa, thangthar zelten an hre lo vang tih kan blauh vang a ni ber a.

Kan upate leh hman lai chanchin bretute an boral zo mai dawna kan briat avangin kum 1957 vel atang khan an thu briatte chu kan ziaik tan a. Chanchin thenkhatte erawh hi chu kan Mizo History lo ziaik hmasatute hlen atanga kan briatte an ni a; tin, sawrkar lam lehkhahu atang pawhin thil thenkhat briat belh kan nei nual bawh. Chuvangin he lehkhahua chanchin kan ziahte hi chu a dik thawkhat ble ang.

Hetianga lehkhahua chhuah theih a nih theih-na tura min tanpuitute zawng zawng chungah lawm thu kan sawi a. Tlawmgaih chhuaha min lo chhut saktu Gosen Press neitu Pu Vanlalchhuanga chungah lawm thu kan sawi bawh a ni.

Brig. Ngurliana (Retired)
The Salvation Army
Venghousai, Aizawl
20. Feb. 1987

Lalzama Sailo
Ex-Chief of
Sawlung & Darlawn.

A CHHUNGA THU AWMTE

<i>Bung</i>	<i>Thupui</i>	<i>Phek</i>
1.	Sailo lai thlahtu bul chbuina	1
2.	Lallula fate chanchin	4
	Sailo lalho inbiakhona hmasa	7
	Lallula fate inbiakhona	9
3.	Lallianvunga thlahte chanchin	18
4.	Vanpuilala chanchin	25
5.	Lalhleia lo lai tan dan	41
6.	Puma zai lo chhuah tan dan	56
7.	Lalhleia chanchin dangte	60
8.	Lalhleia fate chanchin	70

BUNG KHATNA SAILO LAL THLAHTU BUL CHHUINA

Lallianvunga leh a thlahte churchin kan sawi hmam Sairo lalte inthlah chhawn dan chu kan Mizo History zaktuten hetinga hlâ hian an chhui thei a ni.

1. Chinlunga fate : Chawngthua leh Chawngzaa.
2. Chawngthua fate : Chawngvawna (Nova an ti baw) leh Ralhlaha
3. Chawngvawna fate : Dongula leh Thahdova
4. Dongula fa : Niguitea
5. Niguitea fate : Bawklua (Sihsinga anti baw) leh Ngeknuka
6. Bawklua fa : Ralnaa
7. Ralnaa fa : Chhuahlawma
8. Chhuahlawma fa : Zahmuaka

Hetih lai hian Khawrua leh Tlangkhuaa Hnamteho lal Thlanpiala a thi a, lal an nei ta lo va, Sihpuikhura mite chu lal atan an han sawm a, tumahin an lo duh lo va, "Paruala te chhung sawm rawh u" an lo tih san mai a, tichuan Zahmuaka te nupa chu an va sawn ta a ni. Buhchhun leh sachhiah eia lal tura sawm an ni a, hei bi kum 1500 vel lai kha nia rin a ni. Tia, hei bi "Sairo lal tanna" ti pawhin

sawi ila a dik thei baw k ang. Heta tang bian an lalna chu tawp hauv lovin April 1955 kha a thleng a ni. Kum 455 chhung an lai a nih chu.

9. Zahmuaka fate : Zadenga, Paliana, Thangluaha, Rivunga, Rokhuma, Thangura te an ni. Mipa pasarib an piang a, a nau-pang ber crawh chu a thi a ni.

Zahmuaka fate hi Run leh Tiau inkara an awm laiin, khaw brang neiin an lai hman theuh tawh a, kum 1720 leh 1730 inkerah khan Tiau an rawn kân thla ve ta a ni.

10. Thangura fate : Chawnglula leh Thangmanga
 11. Thangmanga fa : Sailova
 12. Sailova fate : Chungnunga, Cheakuala Lienlula
 13. Chungnunga fate : Lalhluma, Rohnaa, Lalchere, Thangphunga
 14. Rohnaa fa : Lallula
 15. Lallula fate : Lalpuiliana, Lallianvunga, Lalmanga, Vuta.

Lallula fate unau pali tangrual bian Mizoram hmar lam hi chu an nek zau ta zel a, thil dang zawng zawng ai pawhin an unau inthurual zel theihna hi an chakna ber a ni. An khawtlang enkawltu leh roreltu upa fing fel tak tak an nei theuh va, tin, mi huaissen leh mi tlawmgai nula tlangval zingah pawh an nei theuh hlawm a ni. Kan upate ti ti leh an thu khawchang atang pawhin Sailo lalte ropui tan-na chu Lallula atang bian a ni berin an sawi thin.

BUNG HNIHNA

LALLULA FATE CHANCHIN

1. LALPUILIANA : Lallula khan Tilenrawn Pawiho a rawt hou khan Pawihorawn er leh tur hlauvin a khuate khan an pem san ta sup sup mai a, a mangang hle a, a fapa upa ber Lalpuiliana lah kha a hrisel loh em avangin tbleh nei hman lovin a thih mai a hlau bawk si a, a nupui tur a zawn sak ta a. Fapa huaisen tek a rawn hin sak theih beiseiin, a khaw nula huaisen, mahni chaub pawha hlothlova riak thin, Pawi nula Khuangtieli chu a neih sak ta a. Lallula chu kum 1767 ah chuan a rawn thlangta ve ta a ni. Vanlaiphai chhak Bawktlang-ah khien an rawn chhuk a, beta an awm lai hian Lalpuiliana chu a thi ta a. Fa pahnih a nei hman tawh e. Vanhnurithargi leh a nau Lalsavunga te an ni. A pa beisei ang ngeiin Lalsavunga hi a huaisen a, a fang hle bawk a, Mizoram Laho zingah chuan a chhuan-awm em em a ni.

Lallula fapa dangte chanchin kan sawi hmain, a rawn thlang tlaka a insawona khuate sawi leh lawk ila.

1. Zopui atangin Bawktlangah 1767
2. Bawktlang atangin Lungchhuanah
3. Lungchhuan atangin Pilerah

4. Piler aṭangin Bawngchawmah
5. Bawngchawm aṭangin Serchhipah
6. Serchhip aṭangin Sialsuk (Diarkhai)-ah

Heta an awm lai hian Vuta kha 1776-ah a piang.

7. Diarkhai aṭangin Samlukhaiah

Heta an awm lai hian Lalsavunga'n nupui a nei a, 1783-ah chuan a pa Lallianvunga bul Zawngṭah-ah a indang.

8. Samlukhai aṭangin Darlungah
9. Darlung aṭangin Kanhmunah
10. Kanhmun aṭangin Hreichukah

Heta an awm lai hian a brisel thei ta lo va, 1807-ah chuan an nupain an thi ta.

2. LALLIANVUNGA : Lallianvunga hi Lal-lula fapa pahnihna a ni a, a pa Diarkhaiah a awm lai hian a indanna turin Sailem tlang saw an va en a; mahse, hmun va entute zinga pa-khat chu Sakeiin a lo seh a, Mizo upate pui-thuna zâwng tek mai a ni si a, Sailemah chuan a kai duh ta lo va, Hmuifang tlangah sawn a kai ta zawk a ni. Hmuifang tlanga an kai hi Pa Zawla chhut dan chuan 1780 a ni.,

Lallianvunga nupui hi therkeat sawi dan chuan Lushei mi, Palian hnam niin an sawi. Nupui ka neih firhin, ka nupuite khua Bisteah ka han zin a, ka nupui Khuangchhungi pu Chawngkunga (Lailen chaka an ti bawk) khan heti hian mi lo hrilh a, "In thlahtu Lallianvunga khan ken pa Lutbeka farou nupuih a nei a, tunah hian chhuan linaah minrawn zing leh ta a nih hi. Pathian samsuih ngei in nih ka ring e" a lo ti a. Chuti ni se Lallianvunga nupui chu Khawhbring a ni ang a, a hming chu Roliani a ni.

Pu Zawla sawi dan chuan Lallianvunga hian Hmuifang tlarga a awm chhuog hian Khuang a chawi hman a, a khua pawh hi in 500 an tliog hman a ni a ti. Ken upate sawi dan chuan Lallianvunga Hmuifang tlarga a awm lai hian Chamring an tih hmunah sawn daido turin in tam fe chu a dah bawkin an sawi. Lalsavunga kha a la naupang si a, a pa Lallianvunga enkawi phak turin 1783-ah khan a pu Lallula chuan Zawngtahah sawn a indan tir ve a ni.

Hmuifang tlang hi a sang a, a vawt em em mai a, mibring leh an ran vulhte thleog pawhin an lo ching zo ta a; chuvangin an tulang phai tlang hlumah sawn an insawn chhuk te ringawt

a. Chutah zet erawh chuan mi ring leh an ran vulhte pawh kha an lo rai thei leh ta a, an lawm em em mai a, nula sawn pawm pawh an lo tam ta mai a, "Sawn ngek khua" tih a lo blawh ta hial a, tun thleng pawhin saw lai phai tlang hlum saw "Sawn ngek ram" tih hming a lo pu hlen ta a ni.

SAILO LALHO INBIAK HONA HMASA

He inbiak hona an neih hi a tun lai tak chu briat a ni ta lo va. An unau thlangtla hmasa Z deng lal te, Palian lal te, Thangluah lal hote khan Sailo lalho rawn thlangtla ve chu lo khawngah taku ruangir, an lo huphurh a, an lo er deuh zel mai tih an hen briat khan an nek lam tur an insem ta a.

- (1) Lallula leh a thlahte chuan Zadeng lalho hi bei sela,
- (2) Rolura thlahte chuan Palian lalho hi bei sela.
- (3) Lisnlula thlahte chuan Thangluah lalho hi bei sela tiin an rel ta a ni.

Hemi an rel lai hi chuan Sailo lalho ai chuan an unaute ho hi khaw ngah zawk an la ni vek

a; mahse Sailo lal ho pawh khan tlâng tam takah khua siemin an luah ve tawh a ni.

An unau thlengtla hmasa hote khan lal an lo chhek deuh avangin an khuate khan an lo ning deuh vieu hlawm tawh e, an bula Sailo lal khaw tê tak tê tê kha, an belh sao ta hlawm mai e, anmahni bitum tura an rel ang khin an tutlawm thei ta theuh a ni.

Sawnggek atangin Lallianvunga chu Kelsib khawbul Chawngmo-ah sawn a insawn phei a, heta an awm lai hien hmar lam lalte khan Sailo lal hoten an rawn nek zau cho zel ang tih hlauvin Thabdo lal Ropuia pa Khawtinkaia chu Phuaibuang bula Hiangmual-ah khian an rawn awm phei tir a. Chu chu an briat veleh Lallianvunga hote chuan an han bei a, an lal Khawtinkaia te nupa chu an rawn min a, Lallianvunga inah chuan rei tak an tâng a, tlan chhuah ngaihna an hre si lova. Khawtinkaia chu a â der ta vak mai a, tlangvil ho chuan a â tak tak emaw an ti e, an veng tha duh ta lo va; chu veleh a rukin, an nupain an tlan chhuak ta a ni. Tin. Pawi râi lam pawh a lo zual ta hle mai a, rawlrâlin an rawn che a, an tawrh hlehlawm hle mai e; chuangin Lungleng-ah khuan an insawn chhuak ta a ni. A pa Lal-

lula pawh kha Samlukhai atangin Darlung-ah a in sawn chhuk ta bawk a.

An unau thlangtla hmasa Zadeng jalho te kban an lo huphurh ble mai a, buaina eng engemaw an slam fova, chuvangin Lallula leh a fate ho chu inblat taka awm pawh thain an hre rih lo va, in hnaih takin an awmkhawm deuh a ni Lallianvunga kha an unauho zinga upa ber a ni ta bawk a, kawng engkima an rawn ber leh an thusa ber a ni.

Lallula thih hnuañ phei chuan thu leh bla innek mai ni lovin indo tak tak ang deuh hial-in an che tawn ta mai a; vawikhat pawh Zadeng nena an inbeibna atangin an Darkhuang ngaih hlut em em Kawikhen dâr an tih chu Lallianvunga chuan a laksak ta hial a ni. Zadeng nena an indo tantirh lai hi chuan Lallianvunga kha Lungleng-ah a la awm a, mahse, betah bian rei tak awm lovin Tanbril-ah khuan an insawn chho ta a ni.

LALLULA FATE INBIAK HONA

Lallula fate ho chuan “kan inhawl zau ve deuh loh chuan rei lotêah kan chep lutuk mai dawn a ni” an ti a, inhawl zau dan tur kha an rel ta a. Hmanah an Unau dangte nena an rel ho tawh ang deuh bawk khan nek lam tur theuh an insem ta a, betiangin :—

1. Lalsavunga chu hetih lai hian Hlimenah a la awm a. Durtleng atanga rin ngil chhovin Tualbung tlang zawn chhovah Mawmrang tlang hrula rin chhov zelin khawchhak chho hi nawr sela an ti a. Lalsavunga fapa Vanhnueiliana chuan Champhai a thlong chhova, ram chu Tiau lui thlengin a chang thei ta a ni.
2. Lallianvunga leh a thlahte chuan Durtleng atanga rin ngil chhovin Tualbung tlang zawnah a chho vang a, Mawmrang tlang hwap tlin, hmar chhak chho hi nawr sela an ti a. Lallianvunga tupa Vanpuilala chuan Khawlian tlang a awm lai; Tuiruang kam Maulien ram thlengin a va la a, a vele hnam dang awnte chu a va um darh vek a ni.
3. Lalmanga leh a thlahte chuan khawthlang lam hi nawr sela an ti a, Tuikuk, Tukam leh hnam jawkhawk dangte chu a zu um darh vek a, ram chu Sakhan tlang tlang khuan a zu chang thei ta a, Mizo tam tak pawh aa pem chhuk a, tun thlengin an awm hlen ta a awm a ni.
4. Vuta chuan chhim chhak chho hi nawr rawh se an ti a. Vuta crawh "Pawi hovin

min man tuma min hrui chhohna zel kha
 ka chhui chho ange" a ti bawk a. Mahni
 bitum lam tur theuh chu an nawr ta hlawn
 a. Vuta leh a thlahte chuan Tieu lui thleng-
 in an han chang thei ta a ni.

Lallianvunga chu Tanbril atangin Sairum-ah
 a insawn phei ta a, Lalsavunga pawh Hlimen
 atangin Aizawl-ah hian a rawn insawn phei ta
 bawk a. Heta an awm lai hian Tuahzawl-a
 awm Zedeng lai Lalchungnunga chu zu rawk an
 tum a, a pa Lallianvunga hote chuan thu leh
 hla maia inbe hove, an neihsum, an thi leh an
 dar te laksak tum chauh an ni a, mahse. Lal-
 savunga ho te khan Silai an rawn hmet ri ta
 mai a. aoi pawh hi mite tihthaihna ang lek
 tura rawn che kha a nih avangin turah an thi
 tam lo ve, an lai fapa Ngurpuilala erawh chu
 a awmtu nu Engnemi nen an man a, an hrui
 sak ta a, Aizawl-ah hian Lalsavunga hceah an
 tan tir ta a ni. Hetih lai hian Lalmanga pawh
 kha Reiek-ah a rawn kai chho tawh a, Vuta
 pawh kha nupui la nei lo mah se, a nu hovin
 Arte-ah an indang ve ta bawk a. Lalmanga
 khua te khan ao thlang lama Tuikuk khua an
 zu run a, tam tak an that a, tam tak an rawn
 man bawk a. An sal man zinga hmeichhe pakhat
 chu an lalpa hin ve turin thah tir an tum a.

Chu hmeichhia a han kap hlum tur chu a Silai a pusk keb ta hlauh mai a, Lalmanga chuan a inbliemna chu a thibpui ngei dawna a hriat avangin hetiang hian a phuah ta a :

Thlangah kawrou bahsam kher vangin
 Kan chawi suai e laipui tek sialah tla e
 A ngurpui nun hliap ral kai tur chu, tin a
 a phuah ta bial a ni.

Lalmanga chu a inbliemna avang chuan 1812 ah khan a thi ta a Zedeng lai Lalchungnunga khan Lalmanga thib thu a lo hriat chuan heti hian hla a han phuah ta a :

“Khawhbring tuchhuan Lalmanga a fam ta e Lalchungnunga'n tunge ka do tak ang le” a ti a. He hla hian Lalmanga unau hote chu a titlawmgai hle a, indo pawh chu an ngawrh ta sauh sauh va, tichuan, Zedeng lalte chu an tlawm ta a ni. Hetih lai hian Zedeng lalte chuan Sailo lai aiin khua an la ngah zawk vek a, hetia an chak lohna chhan hi chu upa ti tiah chuan heti hian an sawi thin. Zedeng ho hi an lai a na em em mai a, an khua leh tufte chuan an niog hle tawh a, chuvangin lam-tang an nei tha ta lo a ni an ti thin. Tin, an sawi zelnaah chuan lai an hrawt nasat em avang hian Pathien pawhin a tan ta lo a ni, an

khuahte Sakei huai a tla a, hlo pawh an thlo
tha thei lo va, nasa takin an tam a, an pem
darb san ta mai a ni an ti bawk.

Lalsavunga ina mi Ngurpuilala kha tlan chhuah
an ban dil ta a. Lalsavunga chuan Ngurpuilala
tlan nan chuan Siellam dar leh Haizang dar a
lo ngen a. Heng dar te hi dar hmingtharg,
dar tha em em mai an nih avangin Lalschung-
nunga chuan a ui em em mai a. "Hei hi Siellam
dar a ni e, hei hi Haizang dar a ni e" tiin
darbu tha tik tak te kha an han pe thin a,
mahse Ngurpuilala awmtu Engnemi khan Sial-
lam dar leh Haizang dar te chu a hre em em
mai si a, "hei hi chu Siellam dar a ni lo, hei
hi chu Haizang dar a ni lo" tiin a lo hrilhru
zel a. A tawp a tawpah chuan dar dik tak chu
an rawn pe lut ta a, Ngurpuilala pawh kha an
hrusi chhuak ta a ni. Lalsavunga chuan Darbu
dang an rawn pek luh te pawh kha a pe kir
leh duh chuang lo va, Darbu paruk lai an neih
pah ta zawk a ni.

Lallianvunga khan Lalsavunga hnenah "Lala,
nang naupang zawk chuan, heng darbute hi i
duh duh thlang rawh" a ti a, a thlan tir ta a.
Siellam dar te, Sukchin dar te, Dawlpa dar te,
chu a thlang a, a pa Lallianvunga chuan Haizang
dar te, Khawhawl dar te a chang ve ta a ni.

Siallem dar hi Lalsavunga thlah a mi Zaingen khaw lel Kaibranga'n a la kawla ni. Tin Haizang dar pawh hi Lallianvunga thlah a mi Hon.Capt Laltinkhuma'n a la kawl bawh.

Ngurpuilala tâng kha an khawngaih a, an ngai em em mai a, an tap mur mur thin a ni an ti. Hetia Lalsavunga'n Siallem dar leh Haizang dar a ngeena kher pawh hi Ngurpuilala an ngaih zia an phuahna blaah pawh heti hian an ti a.

Ka tuai Ngura'n chhak thiangah hrentbir a bun Haizang dar leh Siallam in sut zovang maw, tiin an phuahna bla te an lo briat avangin heng dar pahnih te hi an phut a ni. Lallianvunga te pawh chuan heti hian an han phuah ve a :

1. Chawnglul Zadengin lo ngai rawh u,
Kao chungah turni chang êng rawh se.
2. Kan chungah turni chang êng rawh se,
In thlunglu ah kulva chang chuang lovin;
Lian-ak chuang rawh se
3. In thlunglu-ah Lian-ak chuang rawh se,
Kao thlunglu ah Kulva chang leh;
Ngeachi chuang rawh se.

Lallianvunga chu Sairumah a awm lai hian phei lam atengin Thahdo thenkhatin an rawn bel chhova. Kum rei tak pawh an awmho

hmain Lakhipur phai lamah khuan an chhuk san leh ta a, mahse, Suanmanga chu a pem ve dub ta lo va. Chi leh kuang tumah. dang nei ve ta lo chu mal ema a inhriet avangin lai vanlungah a lut ve ta mai a. Vanlunga a awm hnu hian, a unaute ho Lakhipur phaia pemho kha kan turin a zu zin a. A unaute ho chuan lai vanlung a ur ve ta tih an lo hriet chuan a kir chboh an phal ta love, an veng ta tlat mai a, a nupui leh a fate ho pawh hmu pha lovin phai lamah chuan a zu thi bo ta a ni. A fapa Pausia chu a lo tlangval a, lalin nupui a neih sak a, a in dantir ta a, Pausia chuan fapa pakhat Khawthangvunga a nei a, mi huaissen sakap thei a ni a, fapa pali leh fanu pali a nei a, lai leh khawtlang tan an tangkai em em a, Sailo lalna a tawp thlengin Lallianvunga thlahte enkawltuah an tang a ni

Lallianvunga chu Sairumah a awm lai hian kum 1813-ab khan a thi ta a, fapa pahnih leh fanu pakhat a nei. Hengte hi :—

1. Lalngura 2. Ropuithanga 3. Darchawng-puii te an ni.

3 LALMANGA : Lalmanga hi Lallula fapa pithumna a ni a, lai fing tak, zaidam tak, huihng nei tak a ni a. Zedeng laho pawh kha Si'ai leh hriamhrei hmang lo va, hla ringawta

tuk tlawm theih a inring a, mahse Silaia a in-
bham tak avengin 1812-ah khan a thi ta a.
A thih hma hian a indanna khua Bedo atang-
in Reiek-ah hian a awm hnan tawh a ni. A
hming hi Mangpawrha tiin an sawi lar zawk
mah a, upaho sawi danah chuan hmusitne
lawngka n ni lovin thian inkoh flamma a ni
zawk mah awm e.

Lalmanga thih hau hian a fapa Suakpui-
lala'n a thlak ta a. Suakpuilala hian a pa a
chhun a, a fang em em a ni. Vailian pawh
kha tha takin, ramrite siamin a lo inrempui a,
inremna sa-uite an tan a. mahse 1880-ah khan
a thi ve ta a ni. Tunah hian chuan Suakpui-
lala'n sa-ui tan meuhva a lo inrempuina ramri
siamte pawh kan chang pha ta lo a ni.

4. VUTA : Vuta hi Lallula fapa naupang ber
a ni a, kum 1776-ah khan a pa Lallula Diar-
khal (Slalsuk)-ah a awm laiin a piang a, Lal-
lula fate zingah chuan a dam rei ber a ni.

Kum 1800'ah khan nupui a nelh hman a
nu nen Arte-ah khuan an an darg ve a, mi-
fing tak leh thiltithel tak, mi hneh sawh thiam
tak a ni. Intihlal dante pawh a thiam em em
mai a, a thianta ho chuan VUTTAIA tun an ko
hial a ni. Arte klusa an awm lai hian Za-

huata khua Sialbau rûn turin an paselthe Lal-
 thangvuta te, Papua te nen an kai a, kulhab
 an lub theih rib loh avangin Zabau lai khua
 Thentlangah chaw zawng turin an kai a, Vuta
 chu lai fapa a ni tih an briat avangin an lo
 man ta mai a. Hei hi a tlanchhuahna tur
 sum tam tak beisei vanga man an ni awm e.
 Vuta chu Falam lamah an hrui chho ta daih
 a, kum li aia rei meh a han tang a ni. Sailo
 laiho tangrualin Se sawm hu laiin an han tlan
 chhuak leh ta a. A lo chhuah hnu chuan Ar-
 thlawr (Phulpui) ah a kai chho va, chuta tang
 chuan Khumtungah a kai chho leh a, chuta
 tangin Hualtuah a kai chho leh ta a ni. Hual-
 tuah hian a intiropui ta hle a, chhiahblawhte
 a ngah baw a, a in chu hlam 100 a ni a,
 kawrite pathum a sak khûm a ni an ti thio.
 Vawk 100 in a Chawng a; tin, he khua a
 awm lai baw hian thang a chhuah a, Zau a
 dawh an ti baw. Tuk khat chu nula buh
 phur hi a kawmthlang kawng nah chuan a
 lawlbthlu a, lai ina upa zu in hote kha an lo
 chhuak a, a zak em em mai a, a buh buate
 chu rawp ruhpuai an tum a ni a, mehse chu
 nula zak lutuk chuan. "Vuttaia lai laiin buh
 bua ka rut lovang" a ti a, a kalsan ta daih
 mai a, chu nula tangkam chuan Vuttaia chu
 a tilawm khawp mai a, a buh zem ami rutin
 chu nula chu phur huih lai a chhiahblawhte a

va pek tir ta zawk a ni an ti. Hualtu atang hian Rullam, ah a kai cho leh a, heta an awm lai hian sa polis a rem yak thin a ni ang, tuna Lungpho khaw chung tlangchhip sang lai taka luogpui hian tek khi "Yuta pilum sine" an ti thin. Rullamah hian kum 1884 ah khan kum 108 damin a thi ta a ni.

BUNG THUMNA

Lallula fate qhanchin kan sawi zo tawh a, Lallianvunga tlahte chanchinah kan lo lut tawh ang a. Lallianvunga fate chu Lalngura, Ropui-thanga, Darchawngpui te an ni.

LALNGURA : A pa thin hnu hian Sairum atang kha Tawngpam (Santlang) ah a kai chho va, a nau Ropaithanga chu Tuiriak kama Puan-sen tlangah khuan a kai tir bawh a, mahse nupui nei hmen lovin, tlangval lain a thi ta a, a chanchin sawi tur a awm ta lo. A farou Darchawngpui kha chuan an khaw pasalthe, sakesp thei Thaitawma, Pachuau mi an seih tir a. A maw a thei Seithel nghe the pali a pe a, an khawperah an awm tir a, bunchhun leh sa-qbhih pawh an ei tir a, Sihi perak leh chhih-bhawh pasarih an thum tir bawh a ni. Papa pahni an, sei a, Lalchuma leh Vana te an ni. Lalchuma fate chu Sempa leh Rohana te an ni, a, Vana fate chu Vakthawle, Rokawnga,

Lusia, Thavela, Pachhunga te aa ni. Heng an
thlahte ho hi tun thlengin Lallianvunga thlahte
ho khuah chuan rinawm takin an la awm
theuh a ni.

Lalogura hi Tawngpam (Sëntlang) ah a awm
lai hian Vaiho (British sorkar) nen ramri ap
siam a, Cachar nena an inrina tura an ruat
Maupa kawi chin-chu Lalogura ram ni tura in-
rem an ni. Mahse phai ramah khuan Thing-
puite a lo that theih em em si avangin an rawn
duham chho zel a, Lalogura rem chung te chu
an rawn vat a, thingpuite an ching a, an ram
chhuahna te chu an rawn tiphul zo ta a. Chu-
vangin Lalogura ho thinrim chuan an zu run
thin a, mi tam tak an that a, mi tam tak an
rawn man haw thin a. British sorkar tan
Thingpui huan enkawlte pawh a lo harsat phah
te hle a, chutib nika lai chuan betih hun vel lai
bawk hian Palsanga thabdo khua (Mangchini
ru kulh) an tih mei thin chu an ya run a. an
chimih theih a, mi tlemte tlan chhuak chu Sil-
char Borsap hnenah an lut a, an zuako vak
a. Tichuan British Sorkar chuan Lalogura man
tur leh a khua hal darh vek turin Col. Lister
hovin Sipai tam tak a tir chho ta a.

Lalogura khaw thlangvalte hi an lo kawlhnen
ve khawp a, kawthlerah te an inbei nasa em

em a, a tawpah chuan Sipai ho chuan an inte an bel sak vek a, a tan hloih theih ta lova, an lainu (Laingura nupui) Lshlupuii chuan in-remus a lo sham pui ta a ni. Tin, vai sal an kawl zawng zawng te chu lek kir sak vek an tum a, mahse thenkhat chu pasal lo nei hman tawh te an awm a, chungte chuan kir leh an duh chuang tawh lo. Tin, vai naupang pakhat chu an pe kir phal lo bawk a, an thukru tlat a, an kawl hlen ta bawk a ni. Ho naupang hi naupang tha tak a ni a, a hmingah chuan Sakawra an ti mai a, Laingura fapa Vanpuilala hun thlengin a dam a, nupui an neih sak a, a thlabte crawh chu cbhui zel lo mai ila. Vanpuilala chuan a upa Zapuithanga hnenah chuan (Zapuithanga hi Chaltlang lal Thangphunga pa a pi.) "Sakawra hi nangman lo enkawl la, Mizo tawngte lo zirtir teh khai" a ti a. Zapuithanga chuan Lushei tawng a zirtir a avang chuan amah pawhin vai tawngte a thiam phab ve ta a. Vanpuilala chuan Zapuithanga chu Silchar Sap be tur leh Tuiruang leh Tuirial dunga vai sumdawng leh thing leh mau la ho hnen a tanga cbhiab khawn turin a hmang ta ber a ni.

Tin, Vanpuilala thih hnush chuan Zapuithanga kha Kalkhema khush a pem ta a, Sakawra chu Vanpuilala bawi lal D rphâwnga'n a kawl te thung a, ani pawh bian vai tawng a

thiam phah ve ta a, 1871-a Vaillian han kal tum pawhin Vai chhawntu Montiri an tib berah atang thei ta a, Vai lam pawhin Darphawnga hi an hmengin an ring em em a ni.

Tichuan Lalngura khua atang chuan vai sal 400 chu an bruai kir thei ta a. Kum 1850-a Lalngura khua an rawn run lai hian Lalngura awm loh hlan a ni. Hetih lai hian a kbawper hotu Zathata, Khelte mi chuan Khuang a chawi a, a Khuangchawi chhim turin an lal chu an duh em em a, "Lalngura chuan ka Khuangchawi hi rawn chhim selo, Darbu tha ber Tusichawng dar hi khum bawntir ta ila, Lalngura thlakte hian belrawh mual an kil chhung chuan Zathata fate hi in-lo ramah lal-ber fo turin dil ta ila remti tak ang maw aw" a ti thin a. A beisei leh duhthusam angin Lalngura chuan a remti ta a, a Khuangchawi chu a va chhim sak ta a ni. Chu mi a chhim hlan chuan Vaillian hian a khua an lo bal sak ta a. Khawlaiah thisen a luang nasa em em mai a, chuvargin a khaw hmingah pawh hian 'SENTLANG' an tib phah ta a, tun thlang pawhin chu hming chu a pu hlan ta a ni.

Lalngura nupui Lalhlupuii hi Laltuaka fanu a ni a, Sailo leh Sailo innei hmasa ber an ni. Hetih hun lai hi chuan unau inhnai deubte chu nupui pasalab an la innei ngai lo va, anni pa-

hnih pawh hi kan upate sawi dan chuan
 "Puṭhuam" a ni tawha sawi an ni. Puṭhuam
 awmzia chu thlahtute chhui a, pute ve ve
 unau piangho nite kha an ni

Lalngura fate chu hengte hi an ni :

1. Vanpuilala.
2. Romangpuui. Kaibranga pa Doṭhiauve nu-
 pui a ni a. A nulat lai chuan Lal nula
 hmelṭhaa an sawi a ni a, a hmelṭhatzia kan
 hriat theih nan chuan "A ṭhifên leh Ro-
 mangpui a chungnung e, lurin, lur, lur e"
 tia naupangin tun thleng pawha tualchai
 hlaa an la hman hi he mi Romangpuui
 hi a ni.
3. Lalsatpuui. Lalsakeia pa Thanghulha nu-
 pui a ni.
4. Khawhmawrchbingi. Chhim lai a nei a,
 Tlebung velah sawn an awm a ni ang, a
 pasalte chu Sai o ho nena an indo lain,
 Sailo ho kha an chak ta zawk a, an ûm
 phei zel a, Khawhmawrchbingi hian "Ka
 nuṭate ho khan zahngai tawh rawh u, Bor-
 kawlh kan thleng tak ngial dawn e" a
 rawn ti a, an ṭinsan ta a ni.
5. Lelseipuii. A nulat lain a thi.
6. Lalkhuma leh } Inbraog fa an ni a, an
7. Hrathleia } thi ve ve.

8. Darinpui. (Mi pian fello deuh a ni a, tin, an pianpui chiah a nih kan bre lo bawk. A vakbo dèih ringawt mai a ni.)

Lalngura chu Sentlang atengin Sesawngah a kai chho ta a, a unaupa Lalsavunga pawh kha Vizawl atengin Darlawngah hian a rawn kai chho ve ta bawk a, an thurual em em a, an tang tlang dial dial zel a ni. Hetia Sailo hotten hmar lam leh chhek lam an rawn nawr zel hi Hmar te, Thahdo te, Sukte hote chuan an ngaimawh em em a, Hmar leh Thahdo tangrualin Thahdo lai Siakzapauva ho chu an pasalthe thlan hlir in 20 lai Mawmrang kham hnuai, mual zingzum, mual touhlawt tê tak tê ah khian Sailo ho nek turin an rawn awm tir a. Thlawhhma lak ngai ve lovin, buh chungga va chawm mai tur an ni a; tin, an hnathawh tum dan ber pawh Sailo khuaah rawlrâla chet tum an ni a. An tum anga hna an thawh hmain Lalngura leh Lalsavunga tangruel khan an pasaltheate ho an tir chhuak a, Siakzapauva kulh hi an han bei ta a. He mi tuma an pasalthea tlangvalho hrueitute chu Vanapa te, Pa-ua te, Zabiaka te, Zaphunga te an ni. An khaw luhna kawnga arlei, zintina an pheh thin kha an lo phet theihoghlh a, Vanapa hote chu an lut thei ta a, mahse tlan chhuahna tur khân ruk (kawng ruk) an lo neih avangin mi

tam tak pawh an that hman lo va, an tlan chhuak hman a, a vanduai deuhte erawh chu khemah an zung thla nual a ni awm e. He mi thu thawm bria hian Sakte ho an chhak lama awnte pawh khan an blauthawng ta a, Tawozang lemah khian an tlanche chho zo ta vek a ni.

Mahse hmar lam atang khan an la rawn pawng leh ang tih hlauvin an pasalhtate tang-rual bawh hian Manipur bialah sawn thuk tak thlengin an va lut a. Reng sipaite nen pawh an va inkap pha hial a, Reng sipaite silai hman "Tukuh" kan yuah tak mai hi tam fo an rawn man sak nghe nghe a ni. Lalngura leh Lalsavunga te tangrual hi an chem a kal hle mai a, an pasalhtate ho hi an chhuanawm bawh a, he mi hnuah hi chuan tumabin an rawn tibuai ngam ta lo a ni.

Tin, Lalngura khawper hotu Zathata Tuai-chawng dar pek kha Lalngura thlah a mi Lalhleia fapa naupang ber Lalluaha'n a la kawh a ni.

Tin, Lalsavunga kha Darlawngah hian kum 1835-ah khan a thi ta a, a thih hnuah chuan a fapa Vanhnuaiana'n a ni a awm ta a ni. Lalngura pawh kha Khawruhlianah kai chboh a tum a, a hmei nu Picheri chu a kal hmasak tir a, tura Khawruhlian piaha "Picheri hmun" an tib khi a han awma chu a ni. Tibuan Lalngura pawh Khawruhlianah khian a rawn chho ve ta a, heta an awm lai hian a thi ta a ni.

BUNG LINA

VANPUILALA : A pa Lalngura thih hpuah chuan Phaileng-ah a kai phel a Phaileng ahang in Zawngin-ah a kai chho zel a, Hetah hian Chenkual mi Pibuki chu a nei a, mahse fo an neih theih loh avangin a then leh ta a. Lal savunga fanu a va rim ta a ni.

Hetih lai hian Lalsavunga chu a thi tawh a, a fapa Vanhnuaiana chu Lamzawl-ah a awm lai a ni a (Lamzawl hi Saitual bul vel khi a ni awm e) Vanhnuaiana hian khuate a ngah a, a ropui tan hle tawh a ni. Tin, an khuate pawhin an chawimawi thiam bawk a, an khawthleng te pawh a remin, a nuam hlein an sawi. Lalsavunga fanu a u hnena awm Chawngpuituali an va hel chu, hla te an phuah nasa bawk a, chung a hla te chuan a nupapa Vanhnuaiana pawh a ti lawm hle a ni awm e, an ban in sawi tak tak hnua phel chuan "in hla phuachte hian sial a man e" tin Chawngpuituali man chu Stalin a ti hniam ta nghe nghe a ni. Chuta an hla phuachte chu tun thleog hian "Lamzawl zai" tii an vuah hlen ta a ni. An hla phuah kan la briat reng thenkhatte chu hengte hi an ni :

1. Lamzawl lai chu thutin ropui tuah thiam lungliana,
Biahzai nem e khamrâog khuai ang kai ran

2. Chawngpui nunnem tuk loh ram ang kan bual,
Vangkhuah tui ang siam liante chhung thlang
vai ang la i.
3. Chawngpui manah kan neih sum tam behzhi
kal zove,
Hmartlang ka rua i te leng lo, Kawlkhen
dar lo chu.
4. Thajiah kan hel chung Pathian siam a ngur
bungdawn tuai,
Chawngpui kal la, hmar tlang lal reng run in
thim ruaiah.
5. Chawngpui kal la hmartlang lal reng run in
thim ruaiah,
Tui a tam leh tiandar bu riat nempuanin
awi i.
6. Hmartlang laldanga u te chuan tuan kan
rel love,
Bel zu kungah Chawngpui sakhming dai
ten kan awi e.

Tichuan Chawngpuituali chu Vanpuilela chuan
a nei ta a, Zawngina an awm lai hian fapa
duhawm tak Lalhleia chu 1860-ah khin a lo
pianga. A kum lehah chuan Mizovin Mautam
kan briat hmasak ber chu a lo thlang ta a, a
rapthlek hle mai. Mi thenkhat chuan lal iopui
an bel a, chutah pawh chuan intun nuona tur
awm tam bik hek lo, tam tak chu ramhnuaiiah

kamrah ringin an vak thio a ni an ti, chu chu kum 1861 a ni.

Zawngin atang bian Khawlian tlangah a kai a, tah chuan a fanu Lalziki chu a lo piang a, fa pabnih chaub hi a nei hman a, Vanpuilala chu a thi ta a ni

(Chin-Lushai land by Lt Col A.S. Reid leh Mizo History by Rev. Liangkasia te ziak atanga han ngaihawn chuan Vanpuilala thih kum hi 1869 leh 1870 inkar chu ni thei ngei awmin a lang e)

Khawlian-a an awm lai hi an ropui lai ber a ni awm e. heta an awm lai chanchin leh an ropui dante chu Ralte upa ho zingah bian min hrilh thei an la tam a ni. Khawlian atanga hmarlam mel li velah bian daido turin in 50 lai an awm a, chuta awmte chu Hmar hlir an ni, tin chhim lama Hiangmual an tihah khian a nu Hrathleia chu in za lai khaw neilin a awm bawk a, mahse Hrathleia hi a dam rei ta lova, nupui a neih hmain a thi ta a ni. Tin Durtlang achin hmarlam tlang lian deuh deuh ah te hi chuan Khawper in za lek lek a nei thluah bawk a, a nu Lalhlupuii hovin Darlawn tlangpui "Hmunpui" an tihah hian in 300 lai in an awm bawk a. Amah Vanpuilala awmna Khawlian chu in 1040 an ni a Chutia khaw tam tak a han nei ta chu a lawm em em a. Nikhat chu tlangvalho a chhian tir a, an chhian

dao chu hetiang hian a ni. Tlangval khon ipte pui an ak a, in pakhat kawt atangin lungte pakhat an chhar zel a, tichuan an lungte chhar zawng zawng kha an chbhar ta a ni, a dik duh ve awm hle mal.

He khuash hian Zawlbuk 10 a awm a, chung zinga a lian ber Muaveng Zawlbuk chu hlam sarib a ni a, tin a tê ber pawh hlam thum a ni. Tin thir denna Pum 30 a awm bawh a ni. Hetia khua a ngh em em avang hian tumabin anrawn rûn ngam lo a ni.

Thu dang han zep leh lawk ila : Vanpuilala, Khawliana a awm lai hian a pa unau Lalsavunga fapa Vanûnuailiana chu Champhaish khian a awm a, an chhak a mi Sokte ho nen khian an indo thin a, an iohneh tawh hle thinin an sawi. Chutia leido nei renga awm chu a tu ve ve lam tan pawh a hrehawm a, inremna siam an lo rel ta a.

Sa-ui an tan a, tin, an Sa-ui tan dawn chuan hetiang hian thutiam an slam a, chu chu an tiam ve ve a ni. "Vahmim meilin ban a chen hma leh Run tui a lebluan hma chuan indo tawh lo ila, kan chhiahhlawhte tlan chhuak leh kan khuate pem pawh lo awm sela kan inpe let leh vek ang," tiin thu an tiam tawn a, Sa-ui an tan ta a ni. Varpuilala erawh chuan,

“Sukteho ka khaw pum zat lek te chu ka hlau lo ve” a ti a, an Sa ui tannaah chuan a tel ve duh lo.

Hetia inremna an siam hnu lawk hien Sukte lal Zapauva chhiahhlawhte chu nupa tuak 30 lai Vanhnuaailiana inah chuan an rawn tlan thla ta mai si a, an rawn um zui a, pek kir leh zai an rel ta mai si a. An zinga nupa tuak khatte chu Vanhnuaailiana monu Romangpuii khawngaihthla an la riau bik mai a, thu a hrilh ru ta a. “Hei kan pa hian a hum ngam dawn hauh lo che u a, pek kir leh zai an rel che u a. Nangni nupa hi chu ka klawngaih si che u a, ka u Vanpuilala hnenah kal ang che u. Kal kawngte pawh ka hrilh vek ang che u. An pek kir leh che u zawngin an lo that che u emaw a ni ang a, ka u saw va pan ula, ani chuan Sukte lalho chu a hlau ve lova, Sa-ui tannaah pawh a rawn tel ve duh lo a ni, a lo hum ngam ngei ang che u” a ti a.

Chu mite nupa chu Romangpuii hrilh ang chuan zanah an relhru chhuak ta a, Vanpuilala khua chu an va pan ta a ni. A khawper Hiang-mualah an lut hmesa a, chutah chuan a nupui chu a dah tha ta a, amehin Vanpuilala khua chu a va pan ta a ni. Lal hnenah chuan a chanchin leh Romangpuii thu rawn dan te kha a

brilh vek a, Vanpuilala chuan "Ka sutpuirawn
pawm tawh chu tumahin ka thu lo chuan an la
chhuak thei lovang, engmah hlau sub, tha tak-
in awm la, nupui pawh ka khaw nula i duh
ber ka leisak ang che" a ti a, chu pa chu thla-
muang takin a awm ta a.

Nupui nei a nih kha chu a la zep ru tlat a,
Vanpuilala thu tak tak a la nghak ru tlat a ni.
Thla khat lai hnua chuan Vanpuilala chuan,
"Nupui ka leisak ang che a, tha takin ka inda
tir ang che" a han ti leh a, chutah zet chuan
ti tak tak hmel niin a hre ta a. "Ka pu, nu-
pui chu ka nei a, i khawperah sawn ka dah a,
mi hum tak zet dawn a nih chuan ka va hrui
ang e" a ti a, a va hrui ta a. An nupui chuan
hlim takin an awm dun ta a, Vanpuilala chuan
Sielin an thla a hual a, unau angin a dah a.
Tin, fa an han nei a, an fa chu an puak sak a,
chaw te an han fah sak ta mai a, an lawm lu-
tuk chu an nupa chuan an mittui a tla zawih
zawih mai a ni. Sukte lai ina an awm lai chuan
fa pahnih an bring tawh a, mahse, an fite hian
an hoathawha an dal e tiin an lo feh hlanin
an tibhlum sak thin a, chung lai hun te nena
an han khaikhin chuan tuna an awmna lalte nen
chuan a in ang lo em hian an bria a, an
lawm avangin an mittui a tla thin a ni. Hemi
Dalogula te nupa hian fapa pahnih leh fanu

tahnih an nei e, an fate chuan Vanpuilala tbi
 au pawhin a fapa Lalhleia chu an bel ta zel
 ni. A fapa upa zawk chu Khuaiia pa Lal-
 laia kha a ni e, a naupang zawk chu Laltin-
 iana a ni. Khuaiia pawh hi kum 30 lai Lal-
 leia Khawchbierah a tan hnuin Hmawngzung-
 saiah Ser huan siem turin a insawn phei ta
 ni.

An thu lo tiam tawh ang khan Vanhuailiana
 chuan a hum ngam ta si lo va, chbiabhlawh
 langte kha chu an hruai chho leh ta vek a, Len-
 lang an thlen chuan mipa zawng zawng kha
 chu an that ta vek e, "khawthlang an duh
 lawm" an ti a, Lentlangah chuan khawthlang
 am hawiin an lu chu an tar vek a, hmeichhia
 zawng erawh kha chu Lal inah chuan an awm
 ir leh ta vek a ni.

Vanpuilala khua chu an tam em avangin
 awma panggaiah chuan rei tak awn thein
 ual a ni si lova, khawthar kainu turin tlang
 an leh huunhma rem te a zawn tir ta e. A
 upa te ho chuan Senvawn tlang saw an thlang
 deuh ber a, chuvangin a chheh vela hnam dang
 Mirawng te, Meitei te leh Ttardo awm te chu
 an va hawt darh vek tawh a, mahse, vanduai
 blak takin, khawthar kei an phiar vel lai tak
 ien Vanpuilala chu a thi ta a ni. Khawlian
 chu hi Ralte hlang blak an ni e, an upate ro-

rel'a kai tluang tha bawk a, a khawthleng a
 remia a nuam em em bawk si e, khaw hlim
 tak an ni thin a; rin loh taka an lai a han thi
 thut mai hi an ui em em e, so tuer nasa em
 em a ni. Kan hrist ve pbakah pawh Ralte upa-
 ho chuan Sai'o lai thi-ah chuan Vanpuilala ang
 em em khuste jah leh sun hlawh nasa hi mi
 dang awm thein an ring lo hial thin a ni. Hla
 phuab thiam Awithanga pa sawi dan chuan, a
 thih ni atanga ni thum chhung phei chu,
 chhuat-awngah tui leihbuak palh a hlauhawm a,
 chuvangin inchhungah pawh zu an in ngai lo a
 ni. A taktu leh a lenpuitute chu inchhungah
 an leng ngai lo va, inhnuaiab pawh an khat tlat
 reng bawk a ni a ti.

Vanpuilala thih dan chu hetiang hian sawi a
 ni. Paihte lai Hautinkhupa pa Zatuala chuan
 Tumpang sial leh khuang tha tak a nei e, Van-
 puilala chuan "In Tumpang Sial hi chitblaktu
 atan kan awt ve em em mai a, kan lo kawh rih
 ang a, tin, in khuang pawh hian zai a chawi
 em mai a, zai hlim nan kan lo kawh ve rih ang
 e" tiln a han dil a, chu chu an hnial ngem si
 lo va, an lo pe ta a. Hetih lai hi chuan an
 chheh vela hnam dang lakte hian an huphurb
 em em mai a; an eirel si a, mahse, tlawn lam
 anga tang siin a chhiatna tur an zawng ta ni
 berin an ngai a ni.

Ni khat chu Zatzuala upate chu an rawn zin
 e, zupeng an rawn pai a, thu tha tak tak sawi-
 in Lal chu biakne an rawn rei a. Chumi an
 zu rawn pai a in chinah chuan, Vanpuil-la chu
 a pum a na ta nghal a, a thihpui ta thu-i mei
 niin an sawi thin. Ken upate chuen dawiah an
 puh a, tin, daw pawh ni chiah lo mah se, an
 zu rawn pekah khan tûr (poison) engemaw an
 telh a nih chu a rinawm hle a ti. Chutia a
 zu peng pai a han insek veleh chuan, Zatzuala
 upa rawn tirhte chu an tin ta thuai e, an in-
 siam sawk sawk a, an haw ta thuai e, Vanpui-
 lala thiha an silai kab rite chu Tuival ral atang-
 in an bre hman a ni an ti. Vanpuilala thih lai
 hian a fapa Lalhleia chu naupang tê a la ni e.
 Lalhula fapa dangte kha chuan thlah an nei
 pung rang em em hlawm e, anni erawh hi chu
 Lalhleia thleng hian mipa pakhat chauh zel an
 dem a, vanduai pawh an inti em em thin a ni.
 An chi an mang em erawh chu Pathianin e
 phal lovah an ngai hial thin a ni.

Vanpuilala hi a mizla rengah pawh mi huai-
 zen, pasaltha tak a ni ve reng a, ama ho ngei
 pawhin Tinsuang piah lama Mirawng khua te
 saw vawihnih an va run a, mi pawh an va that-
 in sal man pawh an rawn ngah hle thin a ni.
 Manipur bial mipui mangan dan leh Vanpuilala
 hi uhawm dan te chu Meitei Reng lai beng a

thleng phak hial a ni an ti thin. Tuiruang leh Tuirial durgah pawh khuan thui tek thlengin thu a zu nei a, a pa Lalagura kha chuan Mau-pakawi thlengin thu a zu nei chaun va, Vaopuilala crawh hi chuan Silchar Borsap nen Tuirial dunge Vawklia lui chin khu an ram ri inthen-na a ni. Hman lai atengin Vai surdawng leh Thing leh Mau letute hnenah pawh Vawklia lui chin chhak lamah chuan a khat tawkin chhiah an zu khawn reng thin a ni.

Vanpuilala chu khua a ngah bawk a, chhiah-blawh pawh nupa tuak 30 vel chu a nei reng a ni; nula tlangval leh neupang tam tak neo. Khawlianah hi chuan a in pawh hlam 30-a sei a ni a. Chung hun laite chuan chungdal leh tukrawp invuak zawma tih nachang an la bre lo va; chuvangin a vang lam chu Tuivai phai maupui tlin tawkin an sa mai a ni. Khawlianah hian Se sawmin Khuang a chawi a, a khua a zeu va, a tual te leh a zawnuam bawk si a. A khuang chawi ni chuan nula tlangval tam tham tak mai hian thing an dim a (an khual lam a). Chhim thler atanga lai mual lam pana an rawn lam phei mup mup mai chu an tam si a, an mawi em em mai a ni. Lal upa tam tak chuan Silai an ken a, thingdim hote chu an lo hmusk a, an va gpa va, an lo chhah vel a, Silai an kap awih awih mai a, a upa

pakhat chuan "Kawiha, eimah Vanrawng, ni leh tha kara leng ka hi ngai uh, khuang beng pa nak takah chun ka han kap te'ing" (Khawngge keima'ni, Vanrawng, ni leh tha kara leng kan ni ngai e, khuang bengpa hnar takah sawn ka han kap teh ang) tiin a han pau vel a, chhim thler lama kawlai lungpui han tik, tun thlong pawha la awm khi, a han phe e, a han kap ta a. Vanduaithlak takin, a Silai musop pakhat chu a phawh hmaih a lo awm e, khuang bengpa chu a kap thlu ta der mai a. Thingdima lâm hote pawh chu tibuai lovin a ruang chu an seng kiang thuai a, mahse, a kap tu pa chu a zak em em mai a, râltlan a tum ta a. Lal upa-hote chuan "Tai ovawh, imah na ti oving, Lal than nang a hi zawk ngai e" (Tlan suh, engmah i ti lovang, Lal thanna tur a ni zawk ngai e) an ti e, a râltlan pawh chu an phal ta lo a ni. Vanpuilala hi a khuatebo chuan amah an chawimawina leh an koh duat-naah chuan Ralte jawngin Vanrawng tiin an ko thin a ni.

Heti khawpa an duat leh an ngainat em em vawilekhata a han thi ta phut mai chu an mangang em em mai a, Mirawng nu pakhat an sal man kha mitthi khu'a an lal zui ve tur leh a rawngbawl sektu stan an ti e, an that tel ve ta nghe nghe e, chu hmeichhe fapa erawh chu

an zuaha heti bian an ti "Kan lal fapa Lahlleia hi a mal em mai e, ani hi chu lal unau, lal pianpui turin i zuah eng" an ti e, an zuah ta a ni. Lal unau atana an tiam a nih avangin a hming atan pawh Laltiamthanga an sa e, mahse, a thiante hovin an kohna a hming lar zawk chu Tiambawnga a ni. Upa hovin an beisei ang ngei chuan lal unauva awmin, khua leh tui chhanna lamah te a tangkai em em a, mi huaiseo, sakap thei a ni a, Sai leh Tum-pang thlengin a kap a, mi chhuanawm tak a ni. Thenrual kawm a thiam a, hman lei chuan lal inah bian nitin zu an in mai a ni si e, zu hmun a tihlim thiam em em a ni. Tuiruang rala Vangai tlangdungh sawn tumah an la awm love, an va ram chhuak thin a, an rawn hlawhtling haw thei em em a ni.

Lallianvunga thlahte heti em ema an pian tlem-na hi Kawlkhen dar an kawlvang anih an ring deuh va; chuvangin Vanpuilala thih veleh a nupui Chawngpuituali chuan; breipui a la lawk a, Kawlkhen dar chu a chek chhe ta vek a, Vanpuilala thlanah chuan an tar ta mai a ni. He dar hi Darkhuang lian tak, aw mawi tak leh ring tak a ni awm e. Zedeng lal ta Lallianvunga'n a laksak a ni. Tun hma pawhin he Kawlkhen dar kawltute chu an pieng tlem reng a ni tih thute Chawngpuituali bian a triat avangin tu-

mahin an kawl tawh lohna turin a chek chhe ta a ni. An unau Sailo lal dangte chuan Kawlkhen dar an ui zia chu hrilhfak a tling a ni. Vuttaia phei chuan Vanpuilala a lo thih tak si chuan "Kawlkhen dar kha ka lo kawl ve thung ang e" tiin a la turin upa a tir a, mahso, a nupuiin a lo chek chhe vek tih a briat chuan itsik vangah a ngui lek lek a, a lungawi lo hlo nghe nghe a ni.

Hemi tuma Vuttaia upate Khawliana va kai hote hian Vanpuilala fapa mal Lalhleia, kum kaw mi lek chu an va hmu a, a chum biang mai si a, hmeltha an ti em om mai a, Vuttaia hnenah chuan Lalhleia duhawmzia leh a hmelthat ziate chu an han hrilh ta a. Chutih hun lai chuan darthlalang a la chhuak si lo va, Vuttaia chu a thau lai tak a ni bawka, ama zang pawh a hmu thei si lo va; heti hian a ti a, 'Hmara Sailo lal naupang hmeltha chumbiang mai leh ka zang ka hmu chak ber e' a ti hial a ni. Vanpuilala thih chuan a upa ten an uizia hla an phuah tam em em a, chung an hla phuah kan la briat rengte chu hengte hi an ni:

1. A fam ta e Liantlang rengpui, dokim sal kai-Kawikei hrang leh changsial sawm hlei (tu, Ngtosai hmachhuanin.

A farnu Lalsatpuuin a han phuah ve a :

2. Ka pa, Lalngur, ka u Vanpuis,
In za te'n e famkhuaah laitual in len,
Ka riang mi hrilah.

A unau pa Vanhnuailliana Champhai lalin a han
phuah ve a :

3. A na lua e Laldanga awm lai vei,
Tualpui pheiah Lai Dohiau pa,
Zil ang min kove

A nupui Chawngpuituall phuah chu :

4. Suiblung lenin fam khua zu chuan ile,
Sikhmel sensiar Laldang chul thein
Ka ring love.

Vanpuilala thlanah chuan hlam thum bial zet
tur bian lung an dawh a (Chin Lushei land by
Lt Col' A.S. Reid pbek 21 para 3-ah chuan Van-
puilala lungdawh hi feet 20 bial a zau, feet 4
a sang a ni a ti). He Lungdawh hi 1934 March
thia' khan ka han tlawh a, a la tha om em a
ni. Chute Lungdawh chhuahzai "Tlawh Zai" a
an phuahle chu bengte hi an ni :

1. Tur ni pui iang chawng chungnung in rawh,
Suiblung kawt ang a yar e tahpuan khawnga
Zia tin kai chiah e.
2. Lalchungnunga'n tangah bang lovin,
Vengah han zer teng e luaithli nula
Relthula kab chiah.
3. An ngai ngai love, Rihtlang liam hnu an
ngai ngai love.
Kawrfen thi leh Tian dar lo ngahak la,
Rihtlang liam lovin.

4. Zanin leng ve maw, zanin leng ve maw,
 Thlafam-rauthla zanin leng ve maw,
 Khuangpui ri ngaiin.

Vanpuilala hi pate tawi, thau mum nalh mai a ni a, a zaidama, a khuate a hmangaiha, mite a tihrehawm ve ngai lo. A khua a zau va, a khuate bian an duatin an chawimawi thiam si a, khawlai leng pawbin a vak chhuak zen zen ngam ngai lo zawk a ni. A khawlai leng an hmub chuan upate khan, "E, ka pu ka inah lo leng rawb, belpui thlum sa ka nei a, i han khawn lawk teh ang u," tia lo kaibpen tum hi an tam thia a, a han luh a, zu an han inpui theih lah chuan an neih chhun chhun pawh nise. Vawk talh an hmang a. Tin, nula awmna te lah chuan an ina a luh phawt chuan an nula chu rim tum anih tekin an ti emaw ni, "Lal pu ka ni thei mah na" an ti a, kawng an khar a, an chhuah sen daih mai thin a, mahse tu fanu mah tihsual a tum ve ngai lo va, a nula ngaih emaw mi dang lake a fa neih emaw sawi a awm ve hauh lo a ni. Mi nun ngil tak a ni. (Hei hi Awithanga pa sawi dan a ni)

Fapa mal a ni bawk a, a hausa em em u, Si-lai pawh fung sawm aia tlem a nei ngai lo. Tin, Darbu sawm leh Darkhuang pariat a nei a, Sial sawm hlirin vawi thum Khuang a chawi hman a ni. Mizo dan pangngaiha chuan Zawh-zaw-zo a ni a, Ziu a dawh bawk a ni.

(1) Khawlianah hian mi huaísen, mi hming-thang tak mai Burkhawni pa a awm a, an Zawlbuk sak niin, tlangvalho chuan a tluang an in zawh siak a; tlangval pakhat chuan Burkhawni pa hi a upa deuh ta a, zawh ve ngam tak ang maw? a ti a, a thian pakhat chuan, e, a ngam em em ang, zawh pawh a zawh liam ngam ang chu, a han ti a; mahse tlangval tam tak chuan "zawh ngam mah se, zawh liam em zawng a ngam bik lovang an ti e, an inhnial luai luai ta mai a. Burkhawni pa chu mi inhnialna te hribhin an va ko ta ringawt mai a, a han zawh ve ta ngei a, mahse Zawlbuk tlungkhum bakah chuan pen khatin a han pen leh pak mai a, a tla hlawm nah mai a ni. A van neih a siamin zu thi lo va le.

Heti ang chiah bawk hian Vawmtlâk-a a lawn ngam leh ngam loh tur an inhnial bawk a, an han koh meuh chuan 'ngam lo' nih hi a dub lo hrim brim e, Vawmtlakah chuan a lawna a han pawt per leh mai zu nie. Hetah pawh hian a fung karah a tla a, a fung zumte chuan a toi thi hni hne chaub a ni an ti. Burkhawni pa chanchin hi mak tak tak a tem mai.

(2) Khawlian vang lai hian nula lian thelh thawlh chak tak mai a awm bawk a, a chak zia hria te chuan a tar hnu pawhin en an awm fo thia. Naupang tê kan nih laiin kei pawhin

ka hmu ve hman a ni. Ritphurh a chak a, blo thlawh a chak bawk a, buhden a chak bawk. Fahthing fak za a phur zo va, Tuivai pòai atangin buhhum kawt khat pawh phur mah sel, kawngtluarin a ti ti thei a, ding chawl ve hauh lovin Khawlian tlang a thleng thin an ti. A hming chu Khawlnemi a ni a, Aizawl Electric veng a Pu Hnema C.A. nu saw a tunu (Khawlnemi fapa upa ber fanu) a ni.

Vanpuilala hian fa pahni chauh a nei, a upa zawk chu Lalhleia a ni a, a nau chu Lalziki a ni. Lalziki hian Cherkual lal a nei a, Fapa pakhat leh fanu pakhat a nei a, pasal a sun hnush chuan a fite nen a u Lalhleia an bel leh ta a ni.

BUNG NGANA

LALHLEIA : Vanpuilala thilt chuan a fapa Lalhleia hi a la tet em avangin an upate zing ami, an bawi lalte ni bawk Chawngkhuma leh Khawthangvunga te hian khawtlang rorelna lam chu an kai hruai ber a ni. Chawngkhuma hi a fingin a fel a, a huaisen bawk a, Lalhleia puitlin hma zawnga lal aiawha roreltu ber a ni. Chawngkhuma finzia leh khawtlang a hmangaih-zia kan hriat theih nan kawng khat chauh han sawi ila. Vawikbat chu lal ina zu chhim tura lo kal nu pakhat hi, upa zu rui, fiamthu duh

deuh mai bian "E! a mal a ver mang e" tiin a pawnfen a lo hlim sak a. Chu nu chu a thin ur ta a, lel leh upa hnenah chuan a khing ta a. Chawngkhuma chuan, chutia upa zu rui, fiamthu thawh mai mai han chawitir chu tha a ti si lo va, ama thian (Chawngkhuma thianpa) pa hnenah chuan heti hian a hrih ru ta a. Nakinah kan nu hi zu chhimia a lo kal ve ngei ang a, a pawnfen lo hlim s k ve la, kan nu thin ur chuan lel leh upa hnenah a sawi ve ngei ang a, chumi hnenah chuan tun ami nen hian kan la ngaihtuah rual dawn zu nia a ti a.

Chawngkhuma nupui chu lal ina zu chhim tur chuan a lo kal ve ta ngei mai a, mahse, mahni phawk vang mais thiente nupui pawnfen han hlim sak kha a hreh ble a ni ang chu, a thianpa Chawngkhuma thurawn ruk dan te kha a hre reng a ni ang, "Chawngkhum dân tlang huat loh" tiin a hlim sak ta a ni.

Chawngkhuma nupui thin ur chuan thu buai ah a la ta ngei a, a hmasa neo khan an ngaihtuah rual ta a. "Upa zu rui fiamthu mai a ni e, in ngaidam tlang ang u" an ti ta a ni. "Chawngkhum dân tlang huat loh" tih hian Mizoram a deng chhuak ble a ni.

Lalhleia chu a pa thih hnu chuan Vanbawngah a kai chhuk ta a, in 500 vel chauhvin an

zui a, an khawabawl upa Pachuais, Thahdo hovin Khawlianah hian hmun ngbakin an la hnu-fual a, hetih hua lai hian "Hmar Vailian" an tib mai kha Senvawn lam atangin an rawn chho va, Khawlianah Krismass an rawn hmang a, tlangvalho chuan rei lo tê an lo kap a, mah-se, Vanpuilala nu Lalhlupuii ctuan kum 1850-ah Sentlang khua, vaiin an halsak tuma an in-remna thuthlung avang khan kah zel a phal ta lo va, Lal piter thu chu awiin an kap zel ta lo a ni. Tichuan, Sipai ho pawh chu Pawibawia khua Selam panin an kal ta a ni. Hemi tuma Sipai hotu lian zinga pakhat chu Capt. Robert a ni a, nakin hnu lama Lord Robert lo ni ta kha a ni.

Vanbawog atang hian an thlang lawka Ratu ram pharh duai mai chu insawn chhuk nan an it thei em em a, upa thenkhat leh tlangvalhote chu a hmuna zu bel chiang turin an kal tir ta a. Chutih lai chuan a tlangdung tluan mai sawn Rua leh Mau te chu a tukhup mai si a, ram zu fangtute chuan "E! a na pha ngei mai, a tangdung tuanin rua chu, rua chu, a tukin a tu khup mai hi" (E! a lo tha ngei mai, a tlangdung tluanin, rua chu rua chu, a tukin a tukhup mai a ni) an ti a. Tichuan, an kai chhuk ta thuai a, chu chu kum 1877 lai vel kha a ni. An khaw hmingah chuan "Rawtu" an vush

ta nghe nghe a, chumi awmzia chu Raw tamna tih ang a nih chu, mahse, tun hnuah hi chuan Ratu tia briat a lo ni ta.

Ratu atang hian a chhim lam mel li lek Sailuterah an insawn chho leh ta a. Heta an awm lai hian Thingtam hmasak 1880 kha a lo thleng ta a, Lalhleia chuan Thingtam hi chuan fa pahnih a nei hman tawh a ni. Lalhleia bi palian tawk tek a tling a ni. A san lam chu ft. 5:4 inches a ni a, a awmah erawh chuan sum ruk zet a tling thung a ni.

Thingtam hma kum 1877 vel atang khan Lalpuiliana thlahte leh Mangpawrha thlahte inkarah buaina a lo chhuak a, an indo phah ta hial a, chu chu "Chhak leh Thlang indo" an vuah a. Indo chu a lo zual deuh deuh va, Manga thlah ami Lalsetpuii pasal Thangbulha khua Buallawn pawh chu Liankhama Vangte khaw lal chuan a rawn run a; Buallawn chu an darh zo ta a, Thangbulha chuan a chhak Sailuter khua awm Lalhleia chu a rawn bel ta a, mahse Lalhleia chuan a nu hova awm, a khawper Hnahsepah chuan Thangbulha chu a awm tir ta zawk a. Thangbulha hi a zu ruih te a chhe deuh va, Lalhleia nu Chawngpuituali chu hmu-sit takin a tibuai thin a, Chawngpuituali thinur chuan a vahpa Pawibawia a va hrilh a, Pawibawia Zawngina awm chuan Darkhuma hovin

upa a rawn tir a. Thenghulha chu an va man a, rei tak Zawngin-ah hian an tan tir a ni. Thingtam dawn avang khan khawtin mai chu an buh sazin a seh a, buhseng tur pawh an nei dawn ta hlawm lo va, nasa takin harsatna an tawh theuh dawn tih an briatin Khawchhak lam lalte leh Khawthlang lam lalte chuan inremna siam an rawt ta a. Lalhleia khua Sailutar-ah hian an intawkkhawm ta a ni. Hnabsepah hian khawthlang lalte leh an thuihruaite chu an awm a, Sailutar-ah hian Khawchhak lalte leh an thuihruaite an awm bawh a. Ni thum lai an iobiak hnua chuan an inrem thei ta a, Sa-ui an tan ta a ni.

An tihdan chu Ui an talhe, a thin leh a lung chu an zu khawn turah khan an chiah a, Lalho zu khawn turapiang chuan an khawn hmain hetiang hian cubia an chham hmasa thin a ni. Khawchhak lalte chuan "Khawthlang lalte ka kah leh tak a leh ka zu khawn hian ka thin ka lung deng thla rawh se" an ti a, an khawn ta a. Chutiang bawkin chhechhamna kha an nei hmasa zel a ni. Khawchhak lal leh Khawthlang lalte kha inkertelbin an inkhawn chhawk a. Lal hovin an khawn zawh chuan an upate ve ve khan chhechham hmasa zet zel bawkin, khawthlang upate leh khawchhak lam upa te khan inkertelhel zel bawkin an khawna, chu mi zu khawn kim vek hnua chuan remna thu chu an puang ta a ni.

Heng an inbiak chhung hien Khawchhak leh Khawthlang lalte khan an inbiak rem theih loh pawha inkah mai peih diamin an awmna ve ve lamah chuan an iorin tir thup reng a, an pasalthate ve ve chuan an tlangvalte tshmun kha an kan lawr zat zat ve reng bawk a. Chuta tlangvalho in ep tuar reng mai chu a hmu phakte sawi dan chuan a rapthlak ble mai an ti thin. Chuta an Sa-uitanna hmun tak chu Ssilutar leh Hoahsep inkar kawh hi a ni a, tun thlang pawhin Sa-uitan kawh tih hming a pu hlen ta a ni.

Thing chu a lo tam ta a, Vaihovin Tuiruang dungah sawn buh an rawn tawih chho thin a, chumi hoah duh avang chuan Lalhleia chu Chengkawlawh-an sawn a kai phei ta a, vaibuh an ring ta ber a ni. Hemi Thingtam lai hian a fapa upa ber Lalthualuaia chu a piang a ni. Hetih lai te bi chuan tuman pawisa nei nek lo, Vaihoh buh thlangna turin Vangai tlangah sawn thelret an va hnei thin a, Vangai tlangdungah sawn tumah an la awm si love, Sa a tam em em mai a, ramchhuahna tur pawh an va hman na ber a ni bawh. Chutih laia an pasaltha hmingthang deuh deuhle chu Mangsawma, Pathanga, Lalbana, Puhleia te an ni. Vawikhat obu Mangsawma bovin thelret an hoai a, tlangval pakhat a ler sang bers awm chu Sikein a rawn la ta mai a, Mangsawma chuan a umzui

vat a, Sakei meiah chuan a chelh a, a huong zangah a han sat ta a, Sakei chuan a tâwng ve ngam reng reng lo, a sat hlum ve ta der mai a ni an tl thin.

Tin, an Saikah nghote chu Vai hrenah an an hralh a, buh lei nan an hmang thin a ni. Lalhleia chuan Vabawnga an awm lei khan Vailian kha a kah ve loh avangin Silchar Borsap pawh a lawm hle mai a, "Kan fapa Lalhleia" tiin a sawi thin a ni. Chuvangin, Tuiruang leh Tuirial dunga Thing leh Mau chhiah zawng zawng pawh hi Lalhleia'n nei vek rawh se a ti a, a pa Vanpuilala ram panggai Vawklian lui a chin chhak lam zawng zawng chu chhiah a lak tir vek thin a ni.

Chutia Sai leh Sa dangte an kah fo avang chuan hlado te pawh an phuah belh nasa hle a, chung zinga kan la hriat rengte chu :

1. Sailian e khek chel chul law,
Hmingtha Laldanga than nan e.
2. Dawnlung e ngir hmunah khan,
Samtha usi hniang mi hmuak ulaw.
3. Tuipui e lianna hman se,
Vala ka lungphang na hlah maw.
4. Maimawm e runsa bang e,
Valan e chawnbaw ka vawr siau ve.

Thingtam lai kha anih avangin Iodona pawh a awm lo va, an zalen hle a, ramchhuah an usar em em a ni. Amah Lalhleia ngei pawh

hian Sei a kap ve a, a kahna hmun pawh Ti-
paimukh atanga Tuiruang hnar lam han hawi
chhohva, dinglam panga kawrite lo chhuak Hmar-
cha lui an tihah sawn a ni.

Thingtam te a lo reh fel ta deuh a, Hmar
leh Paibte ho khan an rawn bei leh ta mai a,
Chengkawlawm atang chuan Thingsatah sawn an
rawn inawm phei a, tin, an chhak Lungsumah
sawn khawper in 40 vel chu a nei bawk a,
chumi te chu Sukte ho khan an rawn run ta
ngei a, mi an that tam ble a, an nu naute pawh
an man sak nuel hl-wm a, Sukte pakhat erawh
chu khawchhungah chuan an lo that ve a.
Thingsat tlangvalte chuan an briat veleh chhan
turin an tlan chbo yat a, Lungsum an thlen chhoh
chuan ral chu an lo kiang hman tawh a, mahse,
an umzui ta zel a, Senvawm tlangah khian an lo
tlan khalh a. Lambuna lo thah vek theih an
inrin teh lul nen an hotupa ber Mangsawma
chuan "ka zu enthla tang e" a ti tlat mai a, an
hnial ngam si lo va. Sukte ho chuan Bawbhla
an rawn chhem chho rawi rawi mai a, Mang-
sawma chuan a lo zu kap fel ta mai a, a thianto
ho khan an zu puih chuan ralte kha an lo in-
ring fel ve hman a, tanhmun an lo la fel ve vek
hman a, zanriah chhum hun vel atang hian an
inkap ta a, Sukte pahnih chu an kap hlum a, tin,
anni pawh chuan an pasaltha Publaia an chan
ve ta a ni. Khuain a lo thim hnan ta a, a tuk
tuk zingau chuan an intha then ta a ni

Hetia Hmar leh Pailte te nen an lo intai tâk avang hian mahnia hla taka awm fal chu thain an bre ta lo va, a pa Pawibawia, Khawruhlian a awm chu a va bnaih phei ta a, Thingsut a tang hian Khawruhlian chhak Khanpuiah khian a kai phei ta a ni.

Khanpuia an awm bnu hian Hmar ralin an rawn run a, mahse an lo inria ve hman avangin an um let ta a, Chalfilh tlang chhipah khian an umphe a, an iokap ciam a, Hmarho chu an tlan chbe ta a, Silai pakhat pawh an tlan san a; an pasaltha Zakhama'n a nei ta nghe ngbe a ni.

Khanpuia an awm lai hian Vai a lo lian leh ta a, chu chu Pastor Liangkhaia sawi danin kum 1890 a ni. Khawthlang lalte chu an rawn hneh chho va, Kalkhama khua Sentlang pawh an rawn hal sak vek a, an rawn chho zela Khawruhlian leh Khanpui pawh an rawn hal vek a, buhseng hua lai tak a ni a, an buh seng turte chu Sipalin an vaw til vek a, an in an hal sak vek tawh bawk si a, an mang ang em em a. Lalbleia chuan a khuate hnenah chuan "Tuipui kam phai ram thaah chhuk ila, fur thlaite a lo thar hma deuh anga, kan nung thei ber ang e" tiin a rawt ta a; tichuan Kelzam ram khu fai-ip chawiin an zuan ta chawt mai a ni.

Hmanlai chuan Sailo lalte hi chu an thihin phum ve mai an ni ngai lo va, Kuangah an inur zet a, an luruh leh an sam te chu puanin an tuam e, thul chhungah an khung a, tui-un hunda kiang tui chhuarah bian an hung thin a, Mimkut thla apiangin kumtin an phawrh chhuak a, sabriak te an thih thin a ni. Chung rubrote chu an chhungte thi houhnung ber rubro dang phum rual khan an phum ve chauh thin a ni.

Lallianvunga thlahte erawh hi chuan, an pian tlem em avang hian Pathianin min khawngah ang a, kan piang ve deuh mahna tih beiseiin an inphum bo ve mai phal lo va, an kawl khawm reng thin a ni. Amaherawhchu Khanpui chhuahsana Kelzama an chhuk dawn bian Lalbleia chuan "Kan rethei ta em mai, mitthi kawl tlak pawh kan ni ta lo ve" a ti a, an thlahtute lu ruh ro an la kawl zawng zawngte kha a phum ta vek a ni.

Hemi lu rubro an phum khawmna chungah bian feet 20 bialin lung an dawh a, feet thuma sung a ni a, a chhipah erawh chuan feet 18 bial a ni. He lungdawbna balah bian Khanpui khusin Field aniam dawn ta a, lungdawn chu thlang pha dawain an inhris a, Lallianvunga thlahte hnonthah Lungdawn leh chuta rubro phumte chu sawn an rawn dil a. Khanpui khawlai amun thalai takeh an sawn sak ta a ni. Chu lungphunah chuan heti bian ziak a ni:

THLAHTUTE HRIATRENGNA LUNGPHUN

He Khanpui khuaa an awm lai kum 1890 khan kan pa leh pu duh tak Lalhleia Ratu Lalin kan thlahtute lu rubro a phum a. He hmun ngeiah hian he Hriatreogna lung hi phun a lo ni ta a ni.

Lu rubro phumte chu :

1. Lallianvunga	Lallula fapa 2-na
2. Roliani	Lallianvunga nupui
3. Lalgura	" " fapa 1-na
4. Ropuithanga	" " " 2-na
5. Lalhlupui	Lalgura nupui 1-na
6. Picheri	" " 2-na
7. Vanpuilala	" fapa 1-na leh Lalhleia pa
8. Hrathleia	Lalgura fapa 2-na
9. Lalnemi	Lalhleia nupui 1-na

Hmar tlang ram nuam lo humhimtu,
A ngur chhungpui fam zawng zawng;
Kan hriatreogna a chul dawn lo,
In rolung kan chei leh e.

Phuntu'e : Lallianvunga thlahte leh
Y.M.A. Khanpui Branch

Phun ni : 22 March 1986.

Tin, be lungphun bi Assembly Speaker Dr. H. Thansanga'n a hawng a, Aizawl milian leh mi pawimawh tam takin an fawiawm a, in-khawmna leh ruai thehna ropui tak a awm bawk.

Kelzamah hian kum thum vel chauh an awm a, a chhek Hmuizawlah hian an kai chho leh ta a ni. Hetah pawh pawh hian in 300 chu an la tling a ni. Hmuizawla an awm lai hian taksa lamah chuan Lalhleia bi a vanglai tak a ni an ti thin Kan sawi tawh ang khan a dunglam chu sang em em lo mah se, a taksa phêng a hlai a, inbuan te a thiam bawk a, a chak em em a ni. Szizihawla pawhin "Lalhleia ka buanin ten dan tawh ka thiam thei lo ber, tha ka thlah deuh chuan mi la si a, ka han tih ve chian chuan mi hneh lo deuh si a" a ti thin a ni.

Vailian chuan Mizo lai zawng zawng chu an man a, Aizawlah an breng a, Lalhleia pawh thla khat vel chu an breng ve a ni. Hmuizawla an awm lai hian Se sâwmio khuang a chawi a, tin, Vailian an rawn chhuah leh hnu chuan Sawlengah a kai chho ta a, hetah hian Khuang a chawi leh a, tuah chuan a fapa upa ber Thuamluaia pawh a lo tlangval tawh a, thil pawimawhah chuan a pa ei a awh thei vek tawh a ni. Sawlenga an awm lai hian in 200

vel a ni a, Sawleng ram hi a tha e, buh leh bal a tam a, Sechhun, Khuangchawi, chawn leh lam tuah rel an tam a, nuam an ti em em thin a ni. Vailian kha an tin ta lo va, a ram pum pui pawh hi Borsapin a awp fel tawh e, Silai te pawh Sorkarin a khawh sak vek a ni.

Aizawl Borsap leh Manding Sap chu Manipur biala Silai namber nei lote lakhawm turin Sipai tam tak hruiin an rawn chho va, hmawr pheia lal lian deuh deuh chu anmahni zui turin an phut vek a, "Min zui duh lob chuan in ram hi min zui duhtute hnenah kan pe ang tiin an va va. Lalthleia chu anmahni zui tura tih a ni bawh a, Tuiruang thlengin a va kal ve a, chuta tang chuan a fapa Thuamluaia chu a ai-awha kal turin Borsap chuan a phal sak ta a, tichuan tuna Lalthleia leh a fate awm-na ram hi Sorkarin a pe ngbet ta a ni.

Mizo lal Thuamluaia, Vanphuoga leh Thangkama te chuan Borsap chu an zui ta a, Manipur bial Aibulawn te, Parkhuang te, Hmawngawn te an va thleng a. Hemi tuma hmar zinbo te hian dawi an hlau em eni a, an upa bruai tam tak pawhin zana te hian an hawn ruk san leh thin a ni Thuamluaia pawh hian a tirah chuan upa 30 lai a bruai e, mahse, a tawp thlenga zui ngam chu Ponga (Kepiana pa) leh Zatuata (Kawlbawia pa) to chauh an ni. Chu-

vangin he mite pahnih hi chu an dam chbung-
in Kuli an awl tir ve ve ta a ni. Tin, thlawh-
hma lekna lam thuah pawh an duh lai lai an
neih tir thin a ni.

Hemi juma Hmarho dawi an hlah em em
mai, a ven dan tura upa to ngaihden chu
hetiang hian a ni: Mi khua an luh dawn apieng-
in an kawt'chhuaha kalkawng lai tak, mite rahbel
tlatna hmun lei khe, an cho khawh a, saiblum
tiat vel tur hi tui tel lovin an dawh thin a ni.

Hemi an zin hawn hnu hian Borsap Tarmite
(Col.Shakespear) chuan ram lehkha a pe ta a,
chuta an ram ri chu: Kepran tlang sang lai
tak atengio Tuiwawl leh Tuirial inker ram zawng
zawng leh, Tuiruang leh Tuirial inker ram
tawp thlengio a pe ta a. He ramri lehkha hi
kum 1926 khan a fapa Ngurlian'n Aizawla leh-
kha a zirlain copy that turin Pu Chbinga
(Chbing khawl chhua) hnejah a pe lut a, van-
duathlak takia a lo tih bo sak ta hlah mai
a ni.

Lalbleia fapa upa ber Thumlusia hnenah
khan Hmuizawl tlangdung zawng leh Kelzam
ram nei turin Borsap chuan lehkha a pe ve leh
ta a, chu lehkha chu tun thlengio a fapa upa
ber Lalzama'n a le vawng a ni. Tin, Thum-
lusia nau Hranglunga pawh kha tlangval a lo
ni ve tawh bawh a. Hranglung khaw siam ve

nan tiin Borsap chuan Vanbawng leh Khawlek ram zawng zawng khi a pe tel ve leh ta bawk. Hranglunga hi mi zakzun, mi nungchang tha, pate bula awm a, pate thu-awih thiam em em a ni si a, amah bi zai a thiamin, bla phuahte a thiam bawk si a, a pa chuan a ngaina em em mai a, ram hla taka awm pawh a phal ta lo va, Vanbawng tlangah pawh chuan a kai ta lo a ni. Hetia Borsepin Kepran tlang sang lai tak atanga Tuiruang leh Tuiria) Inkar ram zawng zawng a pek tak avang hian an lawm em em mai a, kan upate chuan hetiang hla an phuah ta a :

A tlang tlunin Laldang tukram a ni e.

Ngur bel lo chu ar ang vaih an hma chhuan e;

Haw rawh thian a, i kai ang tlangdum durah.

Ram an tih fel hnu chuan Lalbleia chu Ratu-ah 1902-ah khan a kai pheih leh ta a. Ratu-ah hian Khuang vawi hnib a chawi a, zau a dawh ta bawk a; tin, PUMA ZAI kan tih Mizoram deng chhuak vek khawp; hmingthang hi Ratu khua atang hian a lo chhuak ta a ni.

BUNG RUKNA PUMA ZAI LO CHHUAH TAN DAN

Thingtem zawha Thingsata an awm lai khan
Lalhleia khua ami Saibanga (Brigadier Vaikhuma
pu) leh Chawgruma chu an thian dangte nen
Tuiriad dungah hian Mau an zu tawlh a, chumi
tum chuan phaikin vela Khawchung kan tih
mai ho khuaah khuan an riak a, zana thla
êngah chuan naupang tualchai hote chuan
hetiang hian bla an rawn sa a :

Rit kai rawh, chawm khuang beng, leng
kel vun,

Puma eldawng, dawng ruai a, tih te leh
Vaikel hnute reng in sawr naw rawh,
Puma, eldawng dawng ruai a.

Heng naupangho tualchai hlate hi mau tawlh-
ho chuan an zir ve a. Thingsat an rawn thlen
chhoh hnu te chuan an phuah belh a, hla fiam-
ah an hmang a, an sa fo thin a; mahse, miten
an hlut pui ve vak lo a ni ang chu, a reh leh
ta daib a. Khaw rei fe hnuth Ratua an rawn
awm leh hnu hian pitar pakhat Darpisiaki
(Denga nu) chuan a naupan laia an sak te kha
a la hre reng a, chung hlate chu nau awih nana
hmangir a sa fiam thin a, chu chu tlangval
bovin an chawilar ta a, an phuah belh a,

PUMA ZAI an ti ta a ni. Chuta an phuah belh hmasak chu hengte hi an ni.

1. Tuizal chakaiin a daih dawn lo, puma,
Hangi nu ban reng a zen rawi rawi, zen
[rawi rawi.
2. Ami tar chawm.tualah leng der e, puma
Chawngpuiliana tar khawi tualah leng
[thei lo, leng thei lo.

Tlangvalho chuan bla fismah an hmang zel a, an duh em em a, khawlaiah te an sa rual tuar tuar a, an lo uar telh telh a, bân an vai suau suau va, muala lam chhuah nan te an hmang a, nuam an ti em em thin a ni. Mitinin lâmma bla takah te an hman theuh blawm tak avangin nakinah phei chuan "TLANGLAM ZAI" tiin an vuah ta zawk a, an phuah belh zel a, hetiangin :—

1. En rawh Lalchingkin ka mawi emaw,
puma,
Kan khaw tleisir banvai mawi ka lawm
dawn e, lâm dawn e.
2. Lalchingkina ka ven a tul e, puma,
Sebawng leh mel kei ka veng ngai lo,
veng ngai lo.

Chuta tanga hun rei vak lovah chuan Zawng-in khaw lai Lalzikan 1908-ah khan chu Tlang-lâm Zai chu Sialin a ai ta a, chuta tang chuan

Mizoram hmun tinah bian Tlanglam Zai chu a lo darh ta chum chum mai a ni. A darh zau chak em em a, Lal dangte pawhin ropui tak-in an lo ai ta zel bawh a, khaw tin maiah bian nula tlangvalia mualah an lampui a, hnahchhawlte an keng a, an vai a, an inzap suau suau thin a ni.

Lalhleia hi Sawlenga a awm chhung leh Ratu a kai hnu thlang pawhin khawtlang enkawlna lama mi tangkai leh a thusa ber berte chu Mangrawnga leh Rophunga te an ni. Mangrawnga chuan fapa pahni a nei a, Sawldara leh Dahrawk Buana te an ni. Sawldara hi tun thlengin Darlawnah a la awm a. Mizo Union chhuah tih khan a lo zawm ve a, Union tum dan pawh hi ram leh hnam tan a tha ngei ang tih a ring a, mahse, Union nawrh laia Lal ensan tur tih thuah kha chuan he'iang bian a sawi: "Kan lalte hi rilamin lo awm ta sela, a ei bika han tang thei kan ni lo ve, an zar kan lo zo rei ta em mai; kei zawng min bre thiam ang che u" a ti a ni. Member dangte pawh chuan an hre thiam a, a nuar ve ta lo a ni. Tin, a nau Dahrawk Buana pawh bian kum rei tak Sorkar hna a thawh chhungio, amah hi Dahrawk hial a lo ni bawh a, mi mangang leh tanpui ngai tam tak a tanpui a ni.

Rophunga pawh bian fapa pahni bawh a nei a, Pu Maia of Chaltlang leh Pu Thausanga

of Kolasib an ni a, an hun tawp thlengin khawtlang tana mi tangkei leh roreltu an ni ve ve a ni.

Tuisual rala Hmarho, khaw hrang rawn thuta awm ta te reng reng hi a tirah chuan Lalhleia khawper tura lo lut vek an ni a, an zingah hotu a siam sak vek a; amaherawhchu, Lalhleia hnenah chhiab an pe vek thin a ni. Hetih lai hian Sorkarin Aizawl atangin Tipaimukh thlengin Lamlian a rawn zawng ta a; mahni ram chin theuh lamlian chu Sorkarin lai turin thu a pe a, a khat tawkin lamlian tlangdungah chuan Bangla an rawn sa ta vek biwk a. Chutianga Bangla awmna apiangah chuan Melveng leh Bangla awmpuite siam a lo tul ta a. Lalhleia fate zingah chuan Thuamlusia leh Lallunga chauh hi puitling an la awm si a, anni leh chuan Tuisual rala va awm ai chuan zo sang zawk leh hmun nuam zawk chu an thlang a, an va awp peih si lo va, a hmuna va awm-chilh loh chuan rorel a lo harsa ta a, Khawper hotute chuan a rukin Sorkar hnenah Tlang lehkba vawng ve turin an dil ta a, Sorkarin a lo remtih sak ta a ni. Chung khawper hotute hnena tlang lehkha an lo pek te chu an thih hunah chuan a ram neitu pangngai Lalhleia kutah ram chu a awm leh tur a ni, tiin Sorkar chuan an lehkhabu puiah an ziaik nghe nghe a ni.

Lalhleia chu re fê Ratua a awm hnuah, Bualawn tlangah khuan a kai chhuk ta a, Bualawn khuaah hian December 12, 1939-ah khan kum 80 mi niin a boral ve ta a ni. Lalhleia hian a pa thih hnuin khawthar vawi li a sat a nih chu. A dam lain Khuang vawi li a chaw i e, Sakei vawi sawm a si e, Mizo dania zawh-zawzo a ni e, Zau a dawh bawk. Buallawna an awm hou hian Retu tlangdung hi a thlir a thlir thio a, a lung a tileng em em thio e, beti hian hla a phuah ta a :

Ratu pui khi ngaih zawng zawng leng an
tuanna,

Ngilh ni reng reng a awm dawn lo;
Tlangnuam leng pan a ti e.

BUNG SABIHNA LALHLEIA CHANCHIN DANGTE

Lalhleia chanchin dangte han sawi leh lawk ila. Kan sawi tawh ang khan Vanpuilala kuate hi Ralte hlang hla kha an ni e, Ralte ho hi tunlaia English mi ang deuh khu an ni e, an lalte hi an chawinawi thiamin an duat thiam em em mai a. Lal buaisen leh lal nunnem, lal hmingthang Lalsavunga fanu an Lalnu atana an va zawn chhuah Chawngpuituali chuan a fa tirah mipa a rawn bring ta hlah mai a, a

hmingah chuan Lalhleia an sa ta a. Nu leh pate chauh kha an lawm a ni lo va, an khaw mipui chuan chu lal fapa lo piang chu an lawm tak zet zet a ni. A bawrh keu chinah phei chuan nula leh tlangval thleng pawh hian lal fapa duhawm tak mai lo piang chu nitin bian a en turin an kal huai huai thin a, an han hmuh meuh phei chuan a duhzawng leh a ei theih zawng han zawn sak hi an chak a, a entute chuan "Aw i ha na chak thei ang" (Aw engnge i ei thei ang) an ti a, a ei theih tur han zawn sak te hi an chak ngawih ngawih thin a ni an ti.

Hman lai chuan hmeichhe tam zawk hian hmar-âm hi an feng a ni a, an pawnsen chu puan panggai ai chuan a lo thap deuh zawk bawh a, an lal fapa chu an pawm dawn hian, an pawnsen thap khan a nawt na ang tih an hlau va, a pawmtu apiangte chuan an pawnsen chu an hlim zel thin a ni. Amah pawhin beti hian a sawi thin "Lia tak ka nih thleng pawhin kan chhungte (chhiahhlawhte) chuan min pawm dawn hian an pawnsen an hlim ziah thin, khawlai ka lei theih hnu thleng pawhin, mi pawmtu tur chuan pawnsen blimna chang bre lo reng reng an awm lo" a ti.

Hman lai chuan lal ropui deuhthe chuan fapa an han neih hian, an lal fapa chuan chbawn a neih ve theih nan, rel thah sak tur zawngia an

khaw pasalthate kha an rammu thuai thin a. Lalhleia lo pian pawh bian an khaw tlangval pasalthate chu hmar lamoh leh chhak lamah an rawl ta vang vang mai a, mi pawh an rawn theh sak ve ve a; tichuan, Lalhleia kha nausen tê mah nise a ral thabte chu Sialin an aih tir a, an muslim pui dup dup mai a ni.

Lalhleia hi a hmeltha bawk a, a pian hmang rengah pawh a kutke ban invuah vel dan leh a sakruang lan dan reng reng hi a invuah dik zat vek a ni e an ti thin. An sawi zelnaah chuan heti bian an ti bawk: Palian tak si, a pian thiam avangin pate deuh lam zawk hian a lang nalh zan thei a ri an ti bawk. Hmai bial deuh, hnar bang sang deuh leh hnar zum deuh a ni a. tin, a bengvuah leh a tukkhum sam zialna hi an in chuktuah mawi rem thlap vek a ni an ti bawk. Ratu atanga Buallawn an kai dawn te hi chuan kum 50 chung daih a ni tawh a, mahse, nula pakhat chuan hmeltha e ti a, a la ngaizawng thei a ni ang chu heti bian bla a. phuah a :—

Sawi tam leh tlangrel chu dawn lo la,

Kawlhrei bata siahthing tang ken lawr dawn
chuan,

Thiani Lalhmelthaa sawm ve rawh.

Mikhual zin veivakte pawh hian “Suakhnuna (Tachip lai, Kamliana pa) leh Lalhleia hi chu an hmeltha mang tak e aw” an ti vawng vawng

þhin a ni. Tin, zai a ngaina a, hla lunglengte hi an hre tam em em a, mi hla thluk emaw hla thu emaw lo tib danglam sakte hi a huat zawng tak a ni e, a ching ve ngai haub lo. A aw rawl chhuak reng reng hi a mawi bawh a, zai a thiam em em bawh a ni.

Tin, nungchang danglam tak pawh a nei a, chu chu a puithu em em na hi a ni. Ama sawi dan chuan "Keini thlah hi kan piang tlem em mai e, kan thlahtute, kan nu leh pa, kan pi kan pute khan Pathian lawm loh zawnga awma te an lo nei a ni mah na; chuvangin, kei chu kan lo pian ve theih deuh tawh nan ka theih tawpin ka puithu dawn a ni" a ti þhin. Puithu tih swmzia chu Pathian duh loh zawng nia an rin apiang chu an ti lo va, an ei lo va an in lo va, an sawi lo va, Pathian lawm zawng nia an rin apiang chauh an ti þhin a ni.

Lalbleia puithu dan þenkhate chu han sawi ila :

1. Khua a hel duh lo. Kawtchhuah leh lam atangin ram vakin liam se la, a liamna kawtchhuah lam atang lo chuan khua a rawn lut duh ngai lo.
2. Hriambrei emaw, dan naranin thir lam chi reng reng mi kut atangin a la chhawng ve mai duh lo, leiah a han dah tir e, chuta tang chuan a la ve chauh þhin a ni.

3. Kawngkhar a lubin a ke dinglam a penlut hmasa anih chuan a chhuah leh hunah pawh dinglam bawk kha a pen chhuak hmasa leh thin. A ti sual palh anih pawhin a hnung zawngio kawngkharah khan a tawlh lut leh a, inchhunga sutpui bul atang khan a va tan tha leh a, a rawn kal chhuak leh chauh a ni.
4. Kalkawnga a kal laiin a dailen chhuak ta sela, kawng thlang lamah a daileng duh ngai lo. Kawngchhak lamah mi zin veivak tana hnawksak hauh lohna tur hmunah a kal a; tin, a ek chu a chhawichhin ziah thin a ni.
5. Zu siam turia emaw ei rawngbawl turin emaw mi piangsual lam reng reng chu (entir nan : mit khiingdelte, kutke kim lo emaw tam lutuk emaw pawh) a hmang ve duh ngai lo.
6. A hriat phawt chuan Sakei seh emaw, Setlaw emaw ki reng rengin zu a in ve duh ngai lo. Sakei vunah pawh a thu duh lo.
7. Khawlaiah meihawl te, lampei te a rap duh ngai lo. Lo rap palh anih pawhin a kal ohhushna kailawn bul atang khan a va tan tha leh mai a ni.
8. A zin dawnin kawtchhuah a pelh hmain lo inchbuih palh sela emaw rin loh takin leiko rappelh palh thut ta sela, a zin tur a kir leh a, ni hmanah a chhuak leh zawk thin.

9. Ran nung reng reng, ar savatak ngial pawh a thlawna talh chu a duh ngai lo, an then-awm naupang emaw a kiang hnaia naupang awm emaw a kova, arthlazah a thawi nan tal a hmanh a, a talh chauh thin.
10. A zinnaah emaw ram dangah emaw reng reng a ha te, a tirr te, a hmul te lo thlawng in lo til path ta sela, a fun tha a, in ah a hawn a, muangchangin "Pu Vana, ka ba chhia/tin chhia/hmul chhia leh i ha tha in thlang ang" tiin sut âwngah a thlak thin.

Tin, a nungchang thatna dangte pawh han sawi leh ila :—

1. Zu a rui chhe ve ngai lo Rilru mit khawp leh kalpai tawag tawag khawpin a rui ve ngai lo reng reng.
2. Zu hmunah zahmawh leh thu bawnra pui pui nena rik hlutte hi a huat zawng tak a ni. Mi inphuah elna hla sak te, hla zahmawh lam sak sak reng reng chu, a telvena hmunah phawt chuan tih ngam a ni ngai lo. "Mite iduhna, inngalhnatna leh inchawimawina lam hlate sak sen lohvin a awm" a ti mai thin a ni.
3. Hmeichhe kiangah emaw hriatah emaw chuan zahmawh a sawi ve ngai lo reng reng a ni.

4. Thianghlinna a ngaisa em em a, kawrbu leh puanbal pawh a inbel ye ngei lo. In chhung leh sumhmun thlang thlanga phia phiat mi a ni.
5. Mi themthiam tak a ni a, Mizo khawsakng hi chu siam thiam loh a nei lo. Haangtal lamah pawh Kawkpuzikziel leh lenbuang thuan thlongin a tah thiam ve vek a ni.
6. A khumpui dawk sak turin emaw siam the turin emaw chuan mi ziktlwak tak, mi hmui ngil tak, mi piang chhung tak chauh hmang duh a ni. Mi nun ngil lo, tual thar tawh hnu te, ruk ruk hmang te, an tu leh fate thlang pawhin a hriet chhuah phaw chuan a hmang duh lo.
7. Sial hi mibring dawttuah a ngai a, a zah em em a ni.

Mi lungleng thei tak anih ayangin amah ngei pawhin bla phuah a ching ve hle a; chung ama phuahthe ngei bla kan la briatte leh miten amah an phuahna te leh a bla dubzawng hrim hrim te nen han sawi ile.

Thlawh Zai (Lungdawh chhuah zai, ama phuah)

1. Kan Zawl khawpui ngbilh ni awm love,
Thai ni tla sen siera, khuangpui lamsâr;
Kan yel lei ve kha.
2. Zawl khawpui khu kei zawng ka hawi
ngam love,

Kulva chang nen Chalogeng rauthla;
 Kan awin lai kha ngai ing e. (Zawl khawpui
 a tih hi Hmuizawl khua a ni).

SAILO ZAIA A PHUAHIE (Sakei a aih tuma
 a phuah te)

1. Kan ri khum khum, kan ai bung bung,
 chinlaiin lo ngai rawh u,
 Sawltlang zopui kan sumtualab;
 Zia tial pui hi kan lam e.
2. Zia tial pui leh Laldanga hi kan inmawi
 reng reng a e,
 Min chuan ula, naufa lengin;
 Chhimbu leh peng peng sa in.
3. Min chuan ula, khua vel kan chinleia te.
 Sawltlang khanthum mual a kûr e;
 Lallai a dawl dawn lo ve.
4. Dar a ri e, kan Tuaichawnz dar a ri e,
 Chawntin lamthangin a au vel;
 Chinlaiin lo ngai rawh u.

(Sawheng atanga Ratu kat leh dawna a phuahie)

1. A tlang tluain Laldang tukram a ni e,
 Hmanah zaleng di kan chhaina;
 Ratupui kan hel leh e
2. Ratupui saw hmanah zaleng, suiblung kan
 Kai leh nang e Lalthumluia pi; [rualna
 Hmarlang chena lawi ang kan thanna.

3. Chhawrthla cbhimchhuak kaw! a êng ruai e,
Ka dawn vawng vawng mi u nun nem;
Khuan dima mual liam tawh hou.

Ratu kai hnua a phuah hla dangte

4. Tusichawng darin Lallai runpui a mawi e,
Kuma tina Khuangpui buanthang;
Kan tushna zai a sa e.
5. Lalchingkin pa lam khuangpui tuah laiah
Chiolai zawng hi Chawogzil ang au; (hian,
Lianluau pa a haw thei lo.
6. Laldangan Khuangpui tuah zai a rel leh e,
Phulzing vangkhua a leng tawh hou;
Lianluau pa kan ngai mang e.
7. Lensh Chhawkhlei pâr a chul thin e,
Chul lo tea no nghil nghiali;
Hmar tlangpui mawi rengah e.
8. Ka dawn ruai ruai thin e ni chunah,
Lawmlai Chawngpui ka then tur chu;
Zunleng ngaiin ka tap e.
9. Kan sumtual hi chhungkim dar ang kan
Ka suihlung len vangin tlang tin; [lenna,
Su dum duatin ka hmu e.
10. Kawingo lengin a di a au em ni le,
Thlang hnawm a leng Lalkang lo nun;
Ka di Laldang a ti e.

ningsat khuaa an awm laia Nuthlawi pakhatin phuahna

A tlan ngaiin Pualhrangin Bung a tlan e,
Laldang ngaih chu suihlung lam ang;
A leng ngai kan leng leh e.

1. Haw rawh thiani, tjan tul dawn lovin,
Thangtin chhuahtlang dawnlung chungah;
I ngbak ang Laldanga chu.
3. Min ngai ve rengin ka ring lo che,
Kei zawng Laldang, tlanga ainawn,
Sirte pār iang ka ti che.
4. Ka liam mawh e, dawnlung sai ang kan
Kei zawng thiani, Laldang ngaiin; [ngirna,
Ramtuan reng ka rel lo ve.

A HLA DUHZAWNG (Buangkhaw zai a mi)

1. Fiara tui hman Chunkil'n a chawi,
Lamsial kawt dai an a luang chhuak.
2. Lamsialpui mah tanglaiah in chbiah,
Lungdi tanglaiah chbiah a har mang e.
3. Tbliah lohvin Buangthei a hmin an ti,
Zawl lohvin siali ka hlui ta e.

Nilen Zaia a hla duhzawng ber pakhat chu

Tlai ni tla kai chiai e, raltiangoh thlir nuam ing e
Mi u nunnem te zawng, biah zaia chbah nuam
ing e.

Lalhleia hi fapa mal a ni bawh e, Mizokhaw-
sak dan pangngaiash kha chuan a hausa ve em

em a sawi a ni thin. Darbu tha tak tak te, Darkhuang te, Darmang te a nei a. tin, Silai pawh fung li fung nga chu a nei deuh reng thin a ni. Lel ziding leh Sailo ziktluak tak anih avangin Sailo dangte pawhin an zahder thiam hle thin. Khawthlang lal Savunga pawh khan "Kei leh hmara Lalhleia chauh hi Sai o ziding ngat chu kan ni e" a ti thin an ti. Tin Sorkar pawhin King George V Silver Jubilee ah khan khawthlang rorel that manah Tangkapui a pe ve a, Silver Jubilee mahni khua hman that manah chuan Silai a pe bawk a ni. Nupui lamah hian a vanduai a, a sun thin a; mahse, nupui pathum vel hi chu a neih deuh reng thin avang hian a fa neih zawng zawng te chu 30 vel ni awma hriat a ni a; tin, a fapate puitlin thlenga damte chu pakua an ni. Hengte hi :—

1. Thuamluaia
2. Hranglunga
3. Lalliang
4. Lalchingkina
5. Sa'oliana
6. Ngurliana
7. Lalchuanga
8. Lalzela
9. Lalluaba

BUNG RIAINA

THUAMLUAIA. Thuamluaia hi Lalhleia fapa upa ber a ni a, Vailen tirha Hmuizawla an awm lai hian Sipai tam tak leh Tlangsam Sap ho chu an khuaah an rawn lut a, an riak a. Tawng inhriat chien lohna avangin Sipai ar leite leh an khuate chu an intibuai ta a, Sipai hote chuan khawlaia an mi hmuh apiangte chu

an vel nek zel ta mai a; an khuate chu an tien-darh ta hial a. Sap chuan lal lo kal sela inbia ila, Lal a lo kal lohva kan i. biak fel loh chuan in khua hi kan hal darh vek ang a, Lal pawn kan ban nghal ang an ti ta hi-l a. Chutih lai chuan a pa chu zu a lo nam deuh va, Thuamluaia chu a pa aiawia a kal ta a, upa dang tumahin an zui ngam lo va, Mangrawnga leh Rophunga chauhvvin an zui a ni. Sap nen chuan an va ir-be rem ta a. Hei hi khawtlang briat tham leh tangkai thamah chuan a pa ai a awh-na hmesa ber a ni.

A pa Lalhleia chu Hmuizawl atanga Sawleog a kai chhoh ruel khan Serzawl thlanga Tang-kaburh an tih hmunah khuan Thuamluaia khua turin in 70 vel zet hi an pheii ta bawk a; mah-se, Thuamluaia chuan nupui a la neih loh bawk avangin, a khua turah chuan a la pheii ve mai thei lo va, a pa hnen lamah a kal ve rih zawk a. Kum 1901-ah khan Sailo lal Buangtheuva fanu Darthangpuii chu an khua Hmunpui atangin a nupui ah an va neih sak ta a. Nupui a neih hnu chuan a khua tura indan ve chu a lo hun ta a; mahse, Borsapin a ram tura a pek Hmuizawl tlang dung leh Kelzam ramte hi a pheii em avangin chhuk a hreh dauh va, a pa hnenah chuan Darlawn ram neih a duh zawk thu a hriih ta a.

A pa pawh chuan Thuamluala huaissen avanga ram nei thei chauh vah a lo inruat hial thin avangin, a duhna hmun take a awm pawh chu a lo hnial duh bik ta lo va, Borsap an zu dil a, Borsap pawh chuan a lo remti a, 'I khuate Tangkaburha awm hi la chhuak la, Lalsake a'n ram a nei lo va, i ram duh loh hi ka pe dawn a ni" a lo ti ta a. A khuate chu a ko chho va, tuna Darlawn Bangla hmunah hian an awm ta a; 1902 ah chuan a va awp ta a ni Kum 1903-ah chuan a fapa upa ber Lalzama chu a lo piang a, tih, Sedawi a chhun a, hemi hmunah a awm lai hian Mitthirawp a lam ta bawk. Kum 5 an awm hnua chuan 1907-ah chuan Darlawn tlangpuish an kai chho va, in 80 lai an tling ta a. A tlang a sangin a thengthaw bawk a, mi an dam thei a, buh leh bal a tam bawk a, an hlim em em thin a ni. Mizoram Borsap Major Cole pawhin, "He hmun hi a a boruak a tha a, a ram a nuam bawk si a, khawthar kai tawh lovin kumkhuaa in awmna turin buatsaih rawh u" a ti hial a ni. Hemi hmunah hian 1910-ah kban Se paliin khuang a chawi a, 1911-ah erawh chuan Sazuin buhte a sehin mau a rawn tam ta a. Darlawn tlangpui tek hi chuan an tuar nep viau mai a, an kiang hnai khuate pawhin pur chawk nan an rawn hmang nasa em em a ni. Chuvangin, buh chi tur pawh an khaw chhehvola mite hnena chuan a semin an sem thei ta hial a ni.

Tin, 1911-ah bawh hian Manding Sap Col. Loch (Thentiauva) chuan Aizawl atanga Tim-paimukh chhun turin Lamlian a rawn zawng ta a, Lalho hnenah chuan mahni ram chhung theuh chu lai turin thu a pe a, lamlian enkawl zui turin Mel veng leh Bangla enkawl turin Awmpui siam theuh turin a ti bawh a. Tin, 1914-ah chuan Sawlengah a kai chho va, tah chuan Sedawi a chhun a; tin, Se pahuihin a Zankhuang bawh. 1917-ah chuan Borsap Col-qohun khan ram ri hranz a lo pe ve ta a ni. A ram chhung atana a pek chu a pa hminga lo awm sa Kepran tlang sang lai tak atangin Sailutar lui thlengin a ni a, chhak leh thlang zawng erawh chuan Tuivawl leh Tuitung inkar a ni. Tin, 1921-ah chuan Sawleng tlang sang laiah an insawn chho leh ta a, heta an awm lai hian fapa 5 leh fanu pakhat neih a nupui chuan a lo thihsan ta a ni.

Tin, tlang sanga an insawn chho hma kum 1918 ah khan Salvation Army Pu Kawlkhuma hote chu Aizawl atang te, Durtlang atang tein an rawn hnawt chhuak a, Lal dang tumahin an lo pawm ngam si lova, Sawleng khua hi an rawn thlang chho va. Thumluai chuan a lo pawm ngam dawn leh dawn loh a pa a va rawn a, a pa chuan heti hian a lo chhang a "Patianin a aiawh roreltu turin min ruat a, kan

khua leh tuite zingah chuan chitin hnamtin pawh an awm ang a, an sakhaw biak dan pawh a hrang anga, anni pawh hi Salvation an nih mai avang chuan, engmah kan pawm ngam lohna tur ka hre lo, i khuaah chuan lo awm tir rawh" a rawn ti a. Tichuan, Sawleng khuaah hian a awm tir ta a ni. An chakoa zawk nia an rin avangio veng hranga awm an dub e, Sawleng khaw hmoun bluiah hian a hrangin an awm e, Biakin te an sa a, hei hi Salvation Army hmoun khuar nghehna hmasa ber a ni.

A nupuiin a thihsan hnu chuan Thuamluaia chu a khua a harin a lung a leng em em thin a, a mitthi ngai chuan hlate a phuah a :

1. Sawltlang khanthum thinglen bu ngah lo fu
Ka zawt ang che ka chung Kawingo, [e,
Fam koh in thiam lawm ni le.

Tin, hetih lai vel bawh hian a fapa Lalzama chuan Sakei no a kap a, an ai a, a lung a leng em em a, he hla hi a phuah leh a :

2. Kawlkei zia tial mualah lame, Lalzam nu lo
Haizang dar leh Lalenglina [tho leh la,
Tahlai bang thei si lo ve.

Tin, Darthangpuii chu a nupa pa Tlungvel khaw lai Lalluaiva chuan Sialin a rawn thlaichhih a (thisen a), chumi tuma upa lo kalte chuan he hla hi an rawn kalpui bawh a :

3. Rihchin tlangah zu au il^u, thlafam hnu Lokir leh la, ka u Darpui, [lungher maw e, Hmuntlang chul hnu fang dun i.
4. Darlawng zopui lai lai puan ang kan zar na, Rawn fang che maw rauthla lengin, Ka u e Darpuiliani.

Thuamluaia hi mi'kawh^usen, ramvachal tak a ni a, sa 30 a kap a, Tumpang pawh pahnih a kap baw^k. Ahn^u landan chu mitum ren rawo, in tipa kheikhawi hian a langsa ran mai a ni. A naute ho zingah chuan Ngurliana hian amah a chhun deuh bera a briat avangin a ngain^u em em a, thil kalbmang leh mihring khawsek dan turte hi a hrilh a hrilh thin a ni. June 20 1940 ah khan kum 62 miin a thi ve ta. Kum 40 ro a rel a; a tbi^h hnu chuan a fapa upa ber Lalzama'n a ai a aw^h ta a ni. Thuamluaia hian fapa 7 leh fanu 3 a nei a, he lebkhabu kan zia^k lai hian hetiang hi an hnathawh leh awm dan theuh a ni :

1. Lalzama, Sawlengah Branch Postmaster a ni.
2. Lalkailuia, Lo nei miin a awm.
3. Kaphrim^u, Aizawl Borsap Pisah C.I. hna a thaw^k.
4. Lalengliana, Assam Regiment-ah Naik-in a pension.
5. Laltinkhuma, Assam Regiment-ah Hon. Captain in a pension.

6. Lalliauva, Lo nei miin a awm.

7. Bialzauva, Lo nei miin a awm.

LALZAMA : Lalzama hian a pa damlai chuan Darlawn khua hi a awp a, heta a awm lai hian Sial a chhune, a Zankhuang bawk a; tin, Tlang-phal turin Sepui a talh tel a, Mizo danin diar a tial ve a ni. Lalzama pian thu a puin a lo hriat chuan a lawm em em mai a, he bla hi a lo phuah a :

Kan chhun awn ruai ruai e Challian zing-
Kan ai bung bung Kawikei sahrang. (tiahah
Ngur apiang Lalzama e.

Thuamluaia hi a indan tirh laiin a pa hian Darbu a pe phal lo va, a fapa Lalzama lo pian hian a pu chu a lawm em em ani tih hriat a ni a, chung lei chuan an chhung zingah mpa an pian tlem em avangia Lalzama han piang chu a pu lawmna a sosang hle a ni. A lawm lai tak denchhen hian Thuamluaia chuan he bla nen hian a pa chu Darbu a va dil ta a.

Ka zua Laldang tiandar mi hian la,
Awih nuam ing e, tucahuan rengpui,

A ngurth Lalzama e. tih bla hi a pa hova zuhmuna an han sak, meuh chuan an Darbu zingah pawha an rohlu bera an ngaih, Lallien-vunga'n Z-deng lai Lalchungnunga fapa a man kha, an rawn tlan chhuahna Haizang dar chu a lo pe ta a ni. Hmanlai Mizo laiho ngaihnan chuan he dar hi cheong sang mana an lo ngaih thin a ni.

HRANGLUNGA CHANCHIN : Hranglunga
 i Lalhleia fapa pahnhna a ni a, Lallunga tia
 ko hi a thiante zingah pawh an tam mai. A
 u Thuamhnaia Darlawra a indan atanga kum
 laihnaah khan, a pa Lalhleia pawh khan Ratu
 a zuan a, chumi kum vek chuan Hranglunga
 pawh hi Hnahsep himunah sawn a indang ve e,
 in 40 lai a indan pui a ni. Hnahsepah hian
 kum li lai an awm a, chu mi chhung chuan Sial
 a chhun a, Mitthi rawp a lam bawk a, tichuar,
 lengtawng tlangpuiah khian a kai chho ta a ni.
 Tengtawngah hian Khuang a chawi ve ta a ni.

Hranglunga hi palian tawh tak, mi ngo vek
 lo, hang ngaihno bei tak a ni a, a zai dam em
 em a, a nun a tlang bawk a, thenual ngaihnat
 a blawh em em a ni. Thenual pawl a thiam
 a, zuhmun han vawn vel dante a thiam em em
 e, a pa ai pawhin zai a thiam a; tio, haphuah
 a thiam em em bawk a ni. A khawdang vawn
 thiamzia entir nau Tipaimukh lamhan saw an
 lah chin tur Sorkarin khawtin a sem vek a. a
 khua te chuan an lai zo hmesa ber a, Sorkarin
 lawmman atan Silai a pe ta hial a ni. Chu
 Silai chu a lo thlen ni chuan beti hian hla a
 phuah a :

Hmarah ka zua, Lawntlangah Lalnghinglo-
 Lai taka leng Sappui reng chhawn, [pa

In ka piang Laldanga e.

A han tlangval chhuak hlim chu a indan hma

hian a thiaute ho chuan nula pakhat tal ngai
 ve se an ti em em mai a, mahse, mi zakzum
 tek anih avangin an mangan pui hle thin a.
 Vawi khat chu a thian'e ho chuan nula pakhat
 chu an va thuthiam sak a, mahse, a blawh
 chham leh an bleuh avangin a thiente zinga
 pakhet chuan nula chu a bawthluk sak ta mai
 a, nula haenah chuan "ti khan lo mu reng la,
 lo tho reng reng suh ang che, kan va ko tang
 e" a ti a, tichuan, an va ko ta a ni.

Vawi khat chu a upate nen a leikapuih hian
 zu an khawn a, chutih lai tak chuan a kawta
 Seluphanah chuan Rengchal hi a rawn fu a, a
 kiu ta veng veng mai a, an lung a tileng hle
 hlawn a ni ang chu, chu Rengchal bham chu
 inpuah siak an rawt ta a, a thiam ber chuan
 nopui vawithum in nawn rawh se an ti a. A
 upate ho chuan an han bei hlawn theuh na-
 chungin, han sak tlak meuhvin an puitlin thei
 ta hlawn lo va, a tawpah chuan heti hian a
 rawn puah chhuak ta a ni.

Lung tileng reng renga chung lelte,

Di a chhai e Lianluau pa sawogpui zârah;

Kan nun hlui puan ang ti thar leh thin.

A upate ho chuan thiam an ti ta khawp mai
 a, cheng khat theuhvin zu an lei phah ta hial
 zawk a ni. Hrangluaga hi a pain Khuangchawi
 ve turin a duh a, a newr deuh fo mai a, a
 Khuangchawinaa tur chuan Sechal pakhatin ten-

pui ve pawh a tum nghe nghe a. Chutia Khuangchawi tura a va nawr deuh chhen lai chuan, a pa awmna Ratu khuaa mi, fa pawh a va neihpuina, Saihnuaai chu a thi hlauih mai a, a sun em em a, a pan Khuangchawi tura a lo tirh chhen lai anih bawk si avang chuan a pa lo hriat atan he ti hian hla a phuah ta a :

1. Hmarah chun ngaiin a leng an ti,
Chung lelte leh brianbiang nau ang lah laiin;
Kei zawng Khuangpui lam ka rel thei lo.
2. Kan ngah par mawi kung a tang zarah,
Lelte a them reng e keimahnai iangin.

Hmartianga Saihniangi ngai ing e,
a han ti ta a, he hla bi a pan a lo hriat chuan
“a ni tak e, kan lo hmanbmawh lu deuh zu nia maw” a ti ve ta a ni.

Tin, a khuaah hian nula hmeltha tak mai
Chawnglianthangi a awm a, chu chu heti hian
a phuah bawk a :

1. Chan theih chang se ramloh lentu par mawiah,
Thangngo tum kawng bellei mualah to ila,
Min thliak dah law maw e nau lawmah.
2. Kan ngah Darhaiah a tling reng mai,
Chalki vario Thangngo thal rawh lai lai zu;
Lalai zu thlum zawng a nem duai mai.
3. Mi zawng zawng parah va to mah lo,
Tawng khaw lenmawi Thangngo sensiar nuih
Chawnpui per mawiah i to awm e. [mawii
Saihnuaai nena an fapa Lalkiamlova pawh khan

a naupan lain a thibsan ve leh ta a. Hranglunga hien zubxun a tibblim thiam zia leh thenrual kawm a thiam zia chua thih hnu kum sawm laieh pawh a hla phuahte kha an sa ngam lo zawk hial thin a ni. An han sak chang pawh-in a thenrual bluite chu insum zo reng reng an awm thin lo va, an tap ta zawih zawih thin a, a pa pawh a tap ve hial thin a, hla sak buai thlak tak a tling fo thin a ri. A thiante ho sawi dan chuan mi huat zawnga a awm leh mi pawh a sawina reng reng an bre lo, "a nun a tlang tha em em a ni" an ti ringawt thin a ni. A pa nen hien an inbneih b.wk a, thubuai harsa deuh a khuate zinga a lo awm pawhin a rel sual loh nan a pa a va rawn zawk hial thin a ni. Zuhmun hlafiam tam tak a phuah ve a, chungte chu kan han ziaak lung lo a ni. A hriselna a lo that tak loh avangin kum 1917-ah khan kum 37 miin a lo thi ve ta a ni. A thih chuan a u Thuamluaia pawh khan a sun nasa em em a, a lungleng chuan heti hian hlate a phuahe, zu hmuna han sak chângte hian a lo tap zawih zawih thin.

1. Changsialin ropui rel ile, hmanlai kan nun
Fam khuaa leng Lalthanluaupa: (ngai inge,
Ko thiam in awm lawm ni le?
2. Furkhua thiange, thel favangab, kawingo an lo
Fam ngai zawng hi leng hmuna ita, [leng leh e,
Lianluaupa kan tawng mahna.

3. Khua thal kawngo a lo lenge, lungualpui kan
Leng za ila Ribchin tlangah [ouam mang e,
Ka nau Laldang zu au vi.

Tio, Tlanglam zaiin heti hian a phuah bawk :
Hmanah Lal nunnema thang tawh hnu,
Tunah erawh thlafam kawl vel a deng e;
Hmelma di rram tur a pawl ber mai.

Hranglunga hian fapa puitling pathum leh fanu
pahni a nei :

1. Lalhulha, a pa thih hnuin a pa aiawhin a lai.
2. Lalbuliana, Mi themthiam a ni a, Carpenter hna a thawk.
3. Lallianluauva. Missionah Zirtirtu hna a thawk a, Primary Sikul Sorkarin an lak hnu pawhin a thawk zui zel a, a pension ta.

LALLIANGA : Lallianga hi Lalhleia fapa pathumna a ni a, mi nun tlang leh zaidam mi nun ngil tak a ni. A pa thihin ram hrang neiin a la awm ve lo va, a upa ber anih avangin a pa aiawhin a lai ta a ni. A rorel chhungin India Independence a lo ni a, Mizoram lai zawng zawng chu an lalna a lo tawp ta. A rorel chhung a rei lo bawk a, chanchin engmah a nei hman lo.

LALCHINGKINA : Lalhleia fapa palina a ni a, a pa thihna khua Buallawnah hian lo nei min a awm a, rambuai hnuah erawh chuan Sorkarin Ratu khuaah a sawikhawm ta a ni.

SAILOLIANA : Lalhleia fapa pangana a ni a, nupui nei lovin rei tak a leng a, a lo hrisel'lo tial tial a, nupui nei lovin a thi ta.

NGURLIANA : Lalhleia fapa parukna-a ni a, January ni' khet 1910-ah khih a piang. a. 1928 ah Middle English a pass a, 1931 ah Salvation Army Officer training-in Calcutta-ah a lut a, 1932 ah Sericulture Sikul, Melda-ah a lut leh a, final Exa n-ah chuan pakhatna a ni a, tin, Mizo zinga Sericulture pass hmasa ber a ni bawh. Kum 1938 atang chuan Pu Kawlkhuma tanpuitu, District Helper-ah dah a ni a, 1945 ah khih Divisional Young Peoples Secretary atan ruat a ni a. Tin, Officer leh Officer te inkarah buaina chungchang thu bik atan a nupui Khuangchhungi non 1947 atangin Territorial Headquarters chuan Court of Enquiry member atan an nupui a ruat a. Kum 1952 ah chuan Baktawng Middle Sikul Manager a ni a, 1956 atang chuan Pu Kawlkhuma a lo chawh dawh tak avangin Cachar leh Manipur District Officer a ni leh a, 1965 ah chuan International College for Officer, London ah a lut a, Mizoram a lo buai hnu khih Mizoram Sap awm a lo rem ta lo va, 1967 atang chuan Major Kennedy aiawhin Mizoram Divisional Commander atan dah a lo ni ta a. Tin, Mizoram hi Division hniha then a lo nih hoiin Eastern Division thar awp turin Thingsulthah ah dah a ni ta a,

chuta tang chuan kum 42 Officer hna a lo thawh hnuin a lo chawl (retired) ve ta a ni.

Ngurliana hi a pianphungah pawh mi rorum lam deuh a ni ve a, a naupan lai pawhin a pa chuan "Chhak leh thlang indo lai te khan Thuamluaia leh Ngurliana hi chuan kut ke lo nei hman ve tawh sela chuan ka rethei bik lo tur" a ti thin a ni. Assam Christian Council ah pawh Salvation Army aiawhin a kat thin a, tin, India Christian Council Shillong a an neih pawh khan Salvation Army aiawh tura tirh a ni. Ngurliana hian fapa 3 leh fanu 5 a nei. A fapa upa ber Dawngliana chu Bombay Willson College ah B A a pass hnuin Sipaiah a lut a, tunah chuan Lt Colonel niin Commandant a kai ta. Infiam mi a ni a, Cups 21 leh Medal 2 len Certificate tam tak a la. A fapa pahniha Relliana chuan Sorkarah Motor Driver hna a thawk a; tin, Pawliana a fapa pathu na chuan Sorkarah Office Peon hna a thawk.

LALCHUANGA : hi Lalhleia fapa pasarihna a ni a, mi taima tak a nia, hlo thlo miin a awm 1991 ah khan Salvation Army Social Centre, Calcutta ah a zu thawk a, Officer train ve turin an duh hle a, mahse, a tuina zawng anih loh avangin; Ratuah lo nei mia awm a thlang ta zawk a ni. Ratu khuah chuan Mizo Union bruaite zinga pakhat a ni ve reng a Union nawrh lai khan Lung iaah a tang ve a,

District Council hnuaiah pawh mipui rin zawng tak anih avangin khawtlang hotute zingah a tel ve reng a ni. Fapa 6 leh fanu 3 a nei. A fapa pakhatin Salvation Army Officer hna a thawk u, mi dang zawng chuan Sorkar hna an thawk vek a ni.

P.C. Party rorel lai khan Ratu Canstituency chhunge nula hmeltha thlanna an siam a, Lalzela fanu naupang ber Lalchuailevi B.A. chu hmeltha bera thlan a ni a, chuta tang chuan Ratu khaw hausa Mena & Sons te chuan Ratu leh Aizawl inkara an Bus tlan thin chu "Hmeltha bawm" an vuah ta a, tun thlang pawhin chu hming chu a la pu zel a ni.

LALZELA : Hi Lalhleia fapa parietna a ni a, Middle a pass hnuin 1941-ah khan Salvation Army Officer Training-ah a lut a, Officer hna rei tak a thawh hnuin a chawlh san ta a, Ratu khuaah Branch Post Master hna a thawk ta, Fapa pahnih leh fanu 4 a nei u. Kum 30 lei Branch Post Master a thawh hnuin 1984 October 9th. (Tuesday) zing dar 11-ah India hmarchhak a Postal Staff zawng zawng zinga hosthawb that ber lawmman National Award Delhi-ah pek a ni a. A fapa upa zawk chuan Sumdawn-na leh in lam enkawlna a thawk e, a fapa naupang zawk chuan M.A. a pass hnuin Dar-lawa High School ah a thawk.

Salvation Army Officer hna a chawlhseṇ
hnu pawhin Local Officer hna chu tun thlengin
a la chelh zui zel a ni.

LALLUAHA: hi Lalhleia fapa pakwana a ni a,
fa tlum ber a ni bawṇ a, inpui luahtu, pa
rokhawmtu ber a ni. A pa thih hnu rei lote
ateng chuan mahni in atengin Vaitawng te a
zir a, a sumdawng ve ta nghal a, Dawr a siam
a. a khawsa thei hle zel a ni. District Council
hnuaiah pawh khan Village Council President-ah
thlan a ni thin. Mi nun ngil tak, mi retheite
khawngaihna ngah mi tak a ni a. A fapa upa
ber chu Sikul Zirtirtu a ni.

Lalhleia fanute zinga pasarih chuan Lal, tlang-
nei thiau pasal an nei.

Hengte hi :

1. Lalrosemi (Buitei) chuan Phaileng lal Lal-
savunga a nei.
2. Lalhangvungi (Theri) chuan Serzawl lal Lal-
sakeia a nei.
3. Thuampuii chuan Khawrublian lal Khaw-
zadala a nei.
4. Roziki chuap Mualpheng lal Hrangkunga a
nei.
5. Saikungi chuan Khawlek lal Hrangchhunga
a nei.

6. Thangpuh chuan Hmuizawl lat Lamhira a nei.
 7. Sailorili chuan Serzawl lat Lalsakeia fapa
 Lalzuala a nei. A pa^u thih bnu hiah a pa
 aiawhin an lat hman a ni.

ooOoo

IZORAM STATE LIBRARY
 No _____
 Acc by _____
 Class by *Ady* _____
 Date _____
 Author _____
 Trans _____
 Date _____